

四庫全書

子部

欽定四庫全書

傷寒論注釋卷三

金成無已注

辨太陽病脉證并治法中第六

太陽病項背強几几無汗惡風葛根湯主之

太陽病項背強

汗出惡風者中風表虛也項背強几几無汗惡風者中風表實也表虛宜解肌表實宜發汗是以葛根湯發之也

葛根湯方

葛根

四兩

麻黃

三兩 去節

桂

二兩 去皮

芍藥

二兩 切

甘草

二兩 炙

生薑

三兩 切

大棗

十二枚 擘

本草云輕可去實麻黃葛根之屬是也此以中風表實故加二物於桂枝湯中也

右七味以水一斗先煮麻黃葛根減二升去沫
內諸藥煮取三升去滓溫服一升覆取微似汗不須

啜粥餘如桂枝法將息及禁忌

太陽與陽明合病者必自下利葛根湯主之

傷寒有合病有併病

本太陽病不解併於陽明者謂之併病三經俱受邪相合病者謂之合病合病者邪氣甚也太陽陽明合病者

與太陽少陽合病陽明少陽合病皆言必自下利者以邪氣併於陰則陰實而陽虛邪氣併於陽則陽實而陰虛寒邪氣甚客於二陽二陽方外實而不主裏則裏氣虛故必下利與葛根湯以散經中甚邪

太陽

與陽明合病不下利但嘔者葛根加半夏湯主之

外甚邪氣

陽不主裏裏氣不和氣下而不上者但下利而不嘔裏氣上逆而不下者但嘔而不下利與葛根湯以散其邪加半夏以下逆氣

葛根加半夏湯方

葛根

四兩

麻黃

三兩

去黃汁焙乾稱

生薑

三兩

甘草

二兩

芍藥

二兩

桂枝

二兩

大棗

十二枚

半夏

洗半升

右八味以水一斗先煮葛根麻黃減二升去白沫內

諸藥煮取三升去滓溫服一升覆取微似汗

太陽病桂枝證醫反下之利遂不止脈促者表未解也

喘而汗出者葛根黃連黃芩湯主之

經曰不宜下而便攻之內虛熱入協

熱遂利桂枝證者邪在表也而反下之虛其腸胃為熱所乘遂利不止邪在表則見陽脈邪在裏則見陰脈下利脈遲微邪在裏也促為陽盛雖下利而脈促者知表未解也病有汗出而喘者為自汗出而喘也即邪氣外甚所致喘而汗出者為因喘而汗出也即裏熱氣逆所致與葛根黃芩黃連湯散表邪除裏熱

葛根黃芩黃連湯方

葛根

半斤

甘草

二兩炙
味甘平

黃芩

二兩味
苦寒

黃連

三兩味
苦寒

內經曰甘發散為陽表未解者散以葛根甘草
之甘苦以堅裏氣弱者堅以黃芩黃連之苦

右四味以水八升先煮葛根減二升內諸藥煮取二升去滓分溫再服

太陽病頭痛發熱身疼腰痛骨節疼痛惡風無汗而喘

者麻黃湯主之

此太陽傷寒也寒則傷榮頭痛身痛腰痛以至牽連骨節疼痛者太陽經榮血

不利也內經曰風寒客於人使人毫毛畢直皮膚閉而為熱者寒在表也風并於衛衛實而榮虛者自汗出而

惡風寒也寒并於榮榮實而衛虛者無汗而惡風也
以榮強衛弱故氣逆而喘與麻黃湯以發其汗

麻黃湯方

麻黃

三兩味甘
濕去節

桂枝

三兩去皮
味辛熱

甘草

一兩炙
味甘平

杏仁

七十箇湯去
皮尖味辛溫

內經曰寒淫於內治以甘熱佐以苦辛麻
黃甘草開肌發汗桂枝杏仁散寒下氣

右四味以水九升先煮麻黃減二升去上沫內諸藥

煮取二升半去滓溫服八合覆取微似汗不須啜粥

餘如桂枝法將息

太陽與陽明合病喘而胃滿者不可下宜麻黃湯主之

陽受氣於胃中喘而胃滿者陽氣不宜發壅而逆也心下滿腹滿皆為實當下之此以為胃滿非裏實故不可下雖有陽明然與太陽合病為屬表是與麻黃湯發汗 太陽病十日已去脉浮細

而嗜卧者外已解也設胃滿脇痛者與小柴胡湯脉但

浮者與麻黃湯

十日已去向解之時也脉浮細而嗜卧者表邪已罷也病雖已和解之若脉但

浮而不細者則邪氣但在表也與麻黃湯發散之

太陽中風脉浮發熱惡寒

身疼痛不汗出而煩躁者大青龍湯主之若脉微弱汗

出惡風者不可服服之則厥逆筋惕肉瞤此為逆也大

青龍湯主之

此中風見寒脉也浮則為風風則傷衛緊則為寒寒則傷榮榮衛俱病故發熱惡寒

身疼痛也風并於衛者為榮弱衛強寒并於榮者為榮強衛弱今風寒兩傷則榮衛俱實故不汗出而煩躁也與大青龍湯發汗以除榮衛風寒若脉微弱汗出惡風者為榮衛俱虛反服青龍湯則必亡陽或生厥逆筋惕肉瞤此治之逆也

大青龍湯方

麻黃

六兩去節味甘温

桂枝

二兩去皮味辛熱

甘草

二兩炙味甘平

杏仁

十四箇去皮尖味苦甘温

生薑

三兩切味辛温

大棗

十二枚擘味甘温

石膏如雞子大

碎味甘微寒

辛甘均為發散然風宜辛散寒宜甘發以辛甘相合乃能發散榮衛之風寒麻黃甘草石膏杏仁以發散榮中之寒桂枝薑棗以解除衛中之風

右七味以水九升先煮麻黃減二升去上沫內諸藥煮取三升去滓溫服一升取微似汗汗出多者溫粉粉之一服汗者停後服汗多亡陽遂虛惡風煩躁不得眠也

傷寒脉浮緩身不疼但重乍有輕時無少陰證者大青龍湯發之

此傷寒見風脉也傷寒者身疼此以風勝故身不疼中風者身重此以兼風故乍有輕時

不久厥吐利無少陰裏證者為風寒外傷寒表不解心甚也與大青龍湯以發散表中風寒

下有水氣乾嘔發熱而欬或渴或利或噎或小便不利

少腹滿或喘者小青龍湯主之傷寒表不解心下有水飲則水寒相搏肺寒氣

逆故乾嘔發熱而咳針經曰形寒飲冷則傷肺以其兩寒相感中外皆傷故氣逆而上行此之謂也與小青龍湯發汗散水水氣內瀆則所傳不一故有或為之證隨證增損以解化之

小青龍湯方

麻黃三兩去節 芍藥三兩味酸微寒 五味子半升味酸溫

乾薑三兩味辛熱 甘草三兩炙味甘平 細辛三兩味辛溫

桂枝

三兩去皮
味辛熱

半夏

半斤湯洗
味辛微溫

寒邪在表非甘辛不能散之麻黃桂枝甘草之辛甘以發散表邪水停心下而不行則腎氣燥內經曰腎苦燥急食辛以潤之乾薑細辛半夏之辛以行水氣而潤腎欬逆而喘則肺氣逆內經曰肺欲收急食酸以收之芍藥五味子之酸以收逆氣而安肺

右八味以水一斗先煮麻黃減二升去上沫內諸藥煮取三升去滓溫服一升

加減法 若微利者去麻黃加芫花如雞子熬令赤色下利者不可攻其表汗出必脹滿麻黃發其陽水漬入胃必作利芫花下十二水水去利則止 若渴者去半夏加栝蒌根三兩辛燥而苦潤半夏辛而燥

津液非渴者所宜故去之栝蒌味苦而生津液故加
之若噎者去麻黃加附子一枚炮經曰水得寒氣
冷必相搏其人即餉加附子溫散水寒病人有寒復
發汗胃中冷必吐虵去麻黃惡發汗若小便不利
少腹滿去麻黃加茯苓四兩水畜下焦不行為小便
不利少腹滿麻黃發津液於外非所宜也茯苓泄畜
水於下加所當也若喘者去麻黃加杏仁半升去
皮尖金匱要畧曰其人形腫故不內麻黃肉杏子以
麻黃發其陽故也喘呼
形腫水氣標本之疾

傷寒心下有水氣欬而微喘發熱不渴服湯已渴者此

寒去欲解也小青龍湯主之

欬而微喘者水寒射肺也
發熱不渴者表證未罷也

與小青龍湯發表散水服湯已太陽病外證未解脉浮
渴者裏氣溫水氣散為欲解也

弱者當以汗解宜桂枝湯

脉浮弱者榮弱衛強也

太陽病下之微

喘者表未解故也桂枝加厚朴杏仁湯主之

下後大喘則為裏氣

大虛邪氣傳裏正氣將脫也下後微喘則為裏氣上逆邪不能傳裏猶在表也與桂枝湯以解外加厚朴杏仁

以下逆氣

太陽病外證未解者不可下也下之為逆欲解外

者宜桂枝湯主之

經曰本發汗而復下之為逆也若先發汗治不為逆

太陽病先

發汗不解而復下之脉浮者不愈浮為在外而反下之

故令不愈今脉浮故知在外當須解外則愈宜桂枝湯

主之

經曰柴胡湯證具而以他藥下之柴胡證仍在太

陽病脉浮緊無汗發熱身疼痛八九日不解表證仍在
此當發其汗服藥已微除其人發煩目瞑劇者必衄衄
乃解所以然者陽氣重故也麻黃湯主之

脉浮緊無汗發熱身疼痛

太陽傷寒也雖至八九日而表證仍在亦當發其汗既服溫暖發散湯藥雖未作大汗亦微除也煩者身熱也邪氣不為汗解鬱而變熱蒸於經絡發於肌表故生熱煩肝受血而能視始者寒氣傷榮寒既變熱則血為熱搏肝氣不治故目瞑也劇者熱甚於經迫血妄行而為衄得衄則熱隨血散而解陽氣重者熱氣重也與麻黃湯以解前太陽傷寒之邪也
太陽病脉浮緊發熱身無汗自衄者愈

風寒在經不得汗解鬱而變熱
二陽併病太陽初得病衄則熱隨血散故云自衄者愈

時發其汗汗先出不徹因轉屬陽明續自微汗出不惡
寒若太陽病證不罷者不可下下之為逆如此可小發
汗設面色緣緣正赤者陽氣怫鬱在表當解之熏之若
發汗不徹不足言陽氣怫鬱不得越當汗不汗其人躁
煩不知痛處乍在腹中乍在四肢按之不可得其人短
氣但坐以汗出不徹故也更發汗則愈何以知汗出不

徹以脉濇故知也

太陽病未解傳併入陽明而太陽證未罷者名曰併病續自微汗出不惡

寒者為太陽證罷陽明證具也法當下之若太陽證未罷者為表未解則不可下當小發其汗先解表也陽明

之經循面色緣緣正赤者陽氣怫鬱在表也當解之熏之以取其汗若發汗不徹者不足言陽氣怫鬱止是當汗不汗陽氣不得越散邪無從出擁甚於經故躁煩也邪循經行則痛無常處或在腹中或在四肢按之不可得而短氣但責以汗出不徹更發汗則愈內經曰諸過者切之濇者陽氣有餘為身熱無汗是以脉濇知陽氣擁鬱而汗

出不徹 脉浮數者法當汗出而愈若下之身重心悸者不可發汗當自汗出乃解所以然者尺中脉微此裏

虛須表裏實津液自和便自汗出愈

經曰諸脉浮數當發熱而灑淅惡寒

言邪氣在表也是當汗出愈若下之身重心悸者損其津液虛其胃氣若身重心悸而尺脉實者則下後裏虛邪氣乘虛傳裏也今尺脉微身重心悸者知下後裏虛津液不足邪氣不傳裏但在表也然以津液不足則不

可發汗須裏氣實津液足便自汗出而愈 脉浮緊者法當身疼痛宜以汗解

之假令尺中遲者不可發汗何以知其然以榮氣不足

血少故也

針經曰奪血者無汗尺脉遲者為榮血不足故不可發汗 脉浮者病在表

可發汗宜麻黃湯

浮為輕手得之以候皮膚之氣 脉浮

而數者可發汗宜麻黃湯

浮則傷衛數則傷榮榮衛受邪為病在表故當汗散 病

常自汗出者此為榮氣和者外不諧以衛氣不共榮氣

和諧故爾以榮行脉中衛行脉外復發其汗榮衛和則

愈宜桂枝湯

風則傷衛寒則傷榮衛受風邪而榮不病者為榮氣和也衛既客邪則不能與榮氣

和諧亦不能衛護皮膚是以常自汗出
與桂枝湯解散風邪調和榮衛則愈
病人藏無他病

時發熱自汗出而不愈者此衛氣不和也先其時發汗

則愈宜桂枝湯主之

藏無他病裏和也衛氣不和表病也外臺云裏和表病汗之則愈所

謂先其時者先其發熱
汗出之時發汗則愈
傷寒脉浮緊不發汗因致衄者

麻黃湯主之

傷寒脉浮緊邪在表也當與麻黃湯發汗若不發汗則邪無從出擁甚於經迫血妄

行因致
傷寒不大便六七日頭痛有熱者與承氣湯其

小便清者知不在裏仍在表也當須發汗若頭痛者必

衄宜桂枝湯

不大便六七日頭痛有熱者故宜當下若小便清者知裏無熱則不可下經曰小便

數者大便必艱不更衣十日無所苦也況此不大便六七日小便清者不可責邪在裏是仍在表也與桂枝湯以解外若頭疼不已為表不罷鬱甚於經迫血妄行上為衄也傷寒發汗解半日許復

煩脉浮數者可更發汗宜桂枝湯主之

煩者熱也發汗身涼為已解至

半日許身復熱脉浮數者邪不盡也可更發汗與桂枝湯

凡病若發汗若吐若下若

亡津液陰陽自和者必自愈

重亡津液則不能作汗必待陰陽自和乃自愈矣

大下之後復發汗小便不利者亡津液故也勿治之得

小便利必自愈

因亡津液而小便不利者不可以藥下利之俟津液足小便利必自愈也

之後復發汗必振寒脉微細所以然者以內外俱虛故

也發汗則表虛而亡陽下之則裏虛而亡血下之後復振寒者陽氣微也脉微細者陰血弱也

發汗晝日煩躁不得眠夜而安靜不嘔不渴無表證脉

沈微身無大熱者乾薑附子湯主之下之虛其裏汗之虛其表裏虛又汗

則表裏俱虛陽王於晝陽欲復虛不勝邪正邪交爭故晝日煩躁不得眠夜陰王陽虛不能與之爭是夜則安靜不嘔不渴者裏無熱也身無大熱者表無熱也又無表證而脉沈微知陽氣大虛陰寒氣勝與乾薑附子湯

退陰復陽

乾薑附子湯方

乾薑一兩味辛熱

附子一枚生用去皮破八片味辛熱

內經曰寒淫所勝平以辛熱虛寒大甚是以辛熱劑勝之也

右二味以水三升煮取一升去滓頓服

發汗後身疼痛脉沈遲者桂枝加芍藥生薑各一兩人

參三兩新加湯主之

汗後身疼痛邪氣未盡也脉沈遲榮血不足也經曰其脉沈者榮氣

微也又曰遲者榮氣不足血少故也與桂枝湯以解未盡之邪加芍藥生薑人參以益不足之血發汗

後不可更行桂枝湯汗出而喘無大熱者可與麻黃杏

仁甘草石膏湯主之

發汗後喘當作桂枝加厚朴杏仁湯汗出則喘愈今汗出而喘為邪

氣擁甚桂枝湯不能發散故不可更行桂枝湯汗出而喘有大熱者內熱氣甚也無大熱者表邪必甚也與麻

黃杏仁甘草石膏湯以散其邪

麻黃杏仁甘草石膏湯方

麻黃

四兩去節
味甘溫

杏仁

五十箇去皮
尖味甘溫

甘草

二兩炙
味甘平

石膏

半斤碎綿
裹味甘寒

內經曰肝苦急急食甘以緩之風氣通於肝風邪外甚故以純甘之劑發之

右四味以水七升先煮麻黃減二升去上沫內諸藥
煮取二升去滓溫服一升本云黃耳杯

發汗過多其人叉手自冒心心下悸欲得按者桂枝甘

草湯主之

發汗過多亡陽也陽受氣於胃中胃中陽氣不足故病必手自冒心心下悸欲得按者與

桂枝甘草湯以調不足之氣

桂枝甘草湯方

桂枝

四兩去皮味辛熱

甘草

二兩炙味甘平

桂枝之辛走肺而益氣甘草之甘入脾而緩中

右二味以水三升煮取一升去滓頓服

發汗後其人臍下悸者欲作奔豚茯苓桂枝甘草大棗

湯主之

汗者心之液發汗後臍下悸者心氣虛而腎氣發動也腎之積名曰奔豚發則從少腹上至心

下為腎氣逆欲上凌心今臍下悸為腎氣發動故云欲作奔豚與茯苓桂枝甘草大棗湯以降腎氣

茯苓桂枝甘草大棗湯方

茯苓

半斤 味甘平

甘草

二兩 味甘平

大棗

十五枚 擘 味甘平

桂枝

四兩 去皮

茯苓以伐腎邪桂枝能泄奔豚甘草大棗之甘滋助脾土以平腎氣煎用甘爛水者揚之無力取不助腎也

右四味以甘爛水一斗先煮茯苓減二升內諸藥煮取三升去滓溫服一升日三服作甘爛水法取水二

斗置大盆內以杓揚之水上有珠子伍六千顆相逐
取用之

發汗後腹脹滿者厚朴生薑甘草半夏人參湯主之後吐

腹脹與下後腹脹皆為實言邪氣乘虛入裏為實發汗
後外已解也腹脹滿知非裏實由脾胃津液不足氣滯
不通壅而為滿與此
湯和脾胃而降氣

厚朴生薑甘草半夏人參湯方

厚朴半斤去皮
炙味苦溫

生薑半斤切
味辛溫

半夏半升洗
味辛平

人參一兩味
甘溫

甘草二兩炙
味甘平

內經曰脾欲緩急食甘以緩之用苦泄之厚朴之苦以泄腹滿人參甘草之甘以益脾胃半夏生薑之辛以散滯氣

右五味以水一斗煮取三升去滓溫服一升日三服

傷寒若吐若下後心下逆滿氣上衝胃起則頭眩脈沈

緊發汗則動經身為振振搖者茯苓桂枝白木甘草湯

主之

吐下後裏虛氣上逆者心下逆滿氣上衝胃表虛陽不足起則頭眩脈浮緊為邪在表當發汗脈沈

緊為邪在裏則不可發汗發汗則外動經絡損傷陽氣陽氣外虛則不能主持諸脈身為振振搖也與此湯以

和經益陽

茯苓桂枝白朮甘草湯方

茯苓

四兩味甘平

桂枝

三兩去皮味辛熱

白朮

二兩味苦甘溫

甘草

二兩炙味甘平

陽不足者補之以甘茯苓白朮生津液而益陽也裏氣逆者散之以辛桂枝甘草行陽散氣

右四味以水六升煮取三升去滓分溫三服

發汗病不解反惡寒者虛故也芍藥甘草附子湯主之

發汗病解則不惡寒發汗病不解表實者亦不惡寒今發汗病且不解又反惡寒者榮衛俱虛也汗出則榮虛惡寒則衛虛與芍藥甘草附子湯以補榮衛

芍藥甘草附子湯方

芍藥

三兩味酸微寒

甘草

三兩炙味甘平

附子

一枚炮去皮破八片味辛熱

芍藥之酸收斂津液而益榮附子之辛溫固陽氣而補衛甘草之甘調和辛酸而安正氣

已上三味以水五升煮取一升伍合去滓分溫服疑

非仲景意

發汗若下之病仍不解煩躁者茯苓四逆湯主之

發汗若下

病宜解也若病仍不解則發汗外虛陽氣下之內虛陰氣陰陽俱虛邪獨不解故生煩躁與茯苓四逆湯以復

陰陽之氣

茯苓四逆湯方

茯苓

六兩味甘平

人參

一兩味甘溫

附子

一枚生用去皮破八片味辛熱

甘草

二兩味甘平

乾薑

一兩半味辛熱

四逆湯以補陽加茯苓人參以益陰

右五味以水五升煮取三升去滓溫服七合日三服

發汗後惡寒者虛故也不惡寒但熱者實也當和胃氣

與調胃承氣湯

汗出而惡寒者表虛也汗出而不惡寒但熱者裏實也經曰汗出不惡寒者此

表解裏未和與調胃承氣湯和胃氣

太陽病發汗後大汗出胃中乾煩燥

不得眠欲得飲水者少少與飲之令胃氣和則愈若脉

浮小便不利微熱消渴者與五苓散主之

發汗已解胃中乾煩燥不

得眠欲飲水者少少與之胃氣得潤則愈若脉浮者表未解也飲水多而小便少者謂之消渴裏熱甚實也微熱消渴者熱未成實上焦燥也與五苓散生津液和表裏

五苓散方

猪苓

十八銖味甘平去皮

澤瀉

一兩六銖半味酸鹹

茯苓

十八銖味甘平

桂

半兩去皮味辛熱

白朮

十八銖味甘平

淡者一也口入一而為甘甘甚而反淡甘緩而淡滲猪苓白朮茯苓三味之甘潤虛燥而利津液鹹味下

泄為陰澤瀉之鹹以泄伏水辛甘
發散為陽桂枝之辛甘以和肌表

右五味為末以白飲和服方寸七日三服多飲暖水

汗出愈

發汗已脉浮數煩渴者五苓散主之

發汗已脉浮數者表邪未盡也煩渴

亡津液胃燥也與五苓散和表潤燥

傷寒汗出而渴者五苓散主之不渴

者茯苓甘草湯主之

傷寒汗出而渴者亡津液胃燥邪氣漸傳裏也五苓散以和表裏若

汗出不渴者邪氣不傳裏但在表而表虛也與茯苓甘草湯和表合衛

茯苓甘草湯方

茯苓

二兩味甘平

桂枝

二兩去皮味辛熱

生薑

三兩切味辛溫

甘草

一兩炙味甘平

茯苓甘草之甘益津液而和衛
桂枝生薑之辛助陽氣而解表

右四味以水四升煮取二升去滓分溫三服

中風發熱六七日不解而煩有表裏證渴欲飲水水入

則吐者名曰水逆五苓散主之

中風發熱至六七日則常解若不解煩者邪在

表也渴欲飲水邪傳裏也裏熱甚則能消水水入則不吐裏熱少則不能消水停積不散飲而吐水也以其因水而吐故名水逆與五苓散和表裏散停飲未持脉時病人手叉自冒心師

因教試令欬而不欬者此必兩耳聾無聞也所以然者

以重發汗虛故如此

發汗多亡陽胃中陽氣不足者病人手又自冒心師見外證知陽氣

不足也又試令欬而不即欬者耳聾也知陽氣虛明矣耳聾者陽氣虛精氣不得上通於耳故也發汗後

飲水多必喘以水灌之亦喘

喘肺疾飲水多喘者飲冷傷肺也以冷水灌洗而喘

者形寒傷肺也發汗後水藥不得入口為逆若更發汗必吐下

不止

發汗後水藥不得入口為之吐逆發汗亡陽胃中虛冷也若更發汗則愈損陽氣胃氣大虛故吐下

止發汗吐下後虛煩不得眠若劇者必反覆顛倒心中

懊懣梔子豉湯主之

發汗吐下後邪熱乘虛客於胃中謂之虛煩者熱也胃中煩熱鬱悶

而不得發散者是也無氣伏於裏者則喜睡今熱氣浮於上煩擾陽氣故不得眠心惡熱熱甚則必神昏是以劇者反覆顛倒而不安心中懊懣而憤悶懣懣者俗謂鶻突是也內經曰其高者因而越之與梔子豉湯以吐之邪

梔子豉湯方

梔子

十四枚擘
味苦寒

香豉

四合綿裹
味苦寒

酸苦湧泄為陰苦以湧吐寒以勝熱梔子豉湯相合吐劑宜矣

右二味以水四升先煮梔子得二升半內豉煮取一升半去滓分為二服溫進一服得吐者止後服

若少氣者梔子甘草豉湯主之若嘔者梔子生薑豉湯

主之

少氣者熱傷氣也加甘草以益氣嘔者熱煩而氣逆也加生薑以散氣少氣則氣為熱搏散而不收

者甘以補之可也嘔則氣為熱搏逆而不散者辛以散之可也發汗若下之而煩熱胃

中空者梔子豉湯主之

陽受氣於胃中發汗若下使陽氣不足邪熱客於胃中結而不

散故煩熱而胃中空塞與傷寒五六日大下之後身熱梔子豉湯以吐胃中之邪

不去心中結痛者未欲解也梔子豉湯主之

傷寒五六日邪氣在

裏之時若大下後身熱去心胃空者為欲解若大下後身熱去而心結痛者結胃也身熱不去心中結痛者虛煩也結胃為熱客胃中為實是熱氣已收斂於內則外身熱去虛煩為熱客胃中未結為實散漫為煩是以身

熱不去六七日為欲解之時以熱為虛煩傷寒下後心
故云未欲解也與梔子豉湯以吐除之

煩腹滿卧起不安者梔子厚朴湯主之

下後但腹滿而不
心煩即邪氣

入裏為裏實但心煩而不腹滿即邪氣在胃中為虛煩
既煩且滿則邪氣壅於胃腹之間也滿則不能坐煩則
不能卧故令卧起不安與
梔子厚朴湯吐煩泄滿

梔子厚朴湯方

梔子

十四枚擘
味苦寒

厚朴

四兩薑
炙苦溫

枳實

四枚水浸去
穢炒味苦寒

酸苦湧泄梔子之苦以湧虛
煩厚朴枳實之苦以泄腹滿

已上三味以水三升半煮取一升半去滓分二服溫

進一服得吐者止後服

傷寒醫以圓藥大下之身熱不去微煩者梔子乾薑湯

主之九藥不能除熱但損正氣邪氣乘虛留於胃中而未入深者則身熱不去而微煩與梔子乾薑湯吐

煩益氣

梔子乾薑湯方

梔子

十四枚擘
味苦寒

乾薑

二兩味
辛熱

苦以湧之梔子之苦以吐煩
辛以潤之乾薑之辛以益氣

右二味以水三升半煮取一升半去滓分二服溫進

一服得吐者止後服

凡用梔子湯病人舊微溘者不可與服之

病人舊微溘者裏虛而寒

在下也雖煩則非蘊熱故不可與梔子湯內經曰先泄而後生他病者治其本必且調之後乃治其他病太

陽病發汗汗出不解其人仍發熱心下悸頭眩身瞤動

振振欲擗地者真武湯主之

發汗不解仍發熱邪氣未解也心下悸頭眩身瞤動

振振欲擗地者汗出亡陽也裏虛為悸上虛為眩咽喉

乾燥者不可發汗

津液不足也

淋家不可發汗發汗必便血

膀胱裏熱則淋反以湯藥發汗亡耗津液增積客熱膀胱虛燥必小便血

瘡家雖身疼痛不

可發汗發汗則瘥

表虛聚熱則生瘡瘡家身疼如傷寒不可發汗發汗則表氣愈虛熱勢愈

甚生風故變瘥也

衄家不可發汗汗出必額上陷脉急緊直視

不能眴不得眠

衄者上焦亡血也若發汗則上焦津液枯竭經絡乾澀故額上陷脉急緊諸脉

者皆屬於目筋脉緊急則牽引其目故直視不能眴眴瞬合目也針經曰陰氣虛則目不眩亡血為陰虛是以

不得亡血家不可發汗發汗則寒慄而振

針經曰奪血者無汗奪汗

者無血無血發汗則陰陽俱虛故寒慄而振

汗家重發汗必恍惚心亂小便

已陰瘥與禹餘糧圓闕

汗者心之液汗家重發汗則心虛恍惚心亂奪汗則無水故小

便已陰中疼

病人有寒復發汗胃中冷必吐蚘

病人有寒則當溫散反發

汗損陽氣胃中冷必吐衄也

本發汗而復下之此為逆也若先發汗

治不為逆本先下之而反汗之為逆若先下之治不為

逆

病在表者汗之為宜下之為逆病在裏者下之為宜汗之為逆經曰陽盛陰虛汗之則死下之則愈陽虛

陰盛汗之則死

傷寒醫下之續得下利清穀不止身疼痛

者急當救裏後身疼痛清便自調者急當救表救裏宜

四逆湯救表宜桂枝湯

傷寒下之續得下利清穀不止身疼痛者急當救裏者以裏氣

不足必先救之急與四逆湯得清便自調知裏氣已和然後急與桂枝湯以救表身疼者表邪也內經曰病發而不足標而本之先治其標後治其本此以寒為本也病發熱頭痛脈反沈若不

差身體疼痛當救其裏宜四逆湯

發熱頭痛表病也脉反沈者裏脉也經曰

表有病者脉當浮大今脉反以遲故知愈也見表病而得裏脉則當差若不差為內虛寒甚也與四逆湯救其

裏太陽病先下之而不愈因復發汗以此表裏俱虛其

人因致冒冒家汗出自愈所以然者汗出表和故也得

裏和然後復下之

冒者鬱也下之則裏虛而亡血汗之則表虛而亡陽表裏俱虛寒氣怫鬱

其人因致冒金匱要畧曰亡血復汗寒多故令鬱冒汗出則怫鬱之邪得解則冒愈金匱要畧曰冒家欲解必大汗出汗出表和而裏未和者然後復下之太陽病未解脉陰陽俱停必先

振慄汗出而解但陽脉微者先汗出而解但陰脉微者

下之而解若欲下之宜調胃承氣湯主之

脉陰陽俱停無偏勝者陰

陽氣和也經曰寸口關上尺中三處大小浮沈遲數同等此脉陰陽為和平雖劇當愈今脉陰陽既和必先振慄汗出而解但陽脉微者陽不足而陰有餘也經曰陽虛陰盛汗之則愈陰脉微者陰不足而陽有餘也經曰陽盛陰虛下之則愈太陽病發熱汗出者此為榮弱衛強故使汗

出欲救邪風者宜桂枝湯

太陽中風風併於衛則衛實而榮虛榮者陰也衛者陽也

發熱汗出陰弱陽強也內經曰陰虛者陽必湊之故少氣時熱而汗出與桂枝湯解散風邪調和榮衛傷

寒五六日中風往來寒熱胃脇苦滿默默不欲飲食心

煩喜嘔或胃中煩而不嘔或渴或腹中痛或脇下痞鞭

或心下悸小便不利或不渴身有微熱或欬者與小柴

胡主之

病有在表者有在裏者有在表裏之間者此邪氣在表裏之間謂之半表半裏證五六日邪氣

自表傳裏之時中風者或傷寒至五六日也玉函曰中風五六日傷寒往來寒熱即是或中風或傷寒非是傷寒再中風中風復傷寒也經曰傷寒中風有柴胡證但見一證便是不必悉具者正是謂或中風或傷寒也邪在表則寒邪在裏則熱今邪在半表半裏之間未有定處是以寒熱往來也邪在表則心腹不滿邪在裏則心腹脹滿今止言胸脇苦滿知邪氣在表裏之間未至於心腹滿言胸脇苦滿知邪氣在表裏也默默靜也邪在表則呻吟不安邪在裏則煩悶亂內經曰陽入之陰則靜默默者邪方自表之裏在表裏之間也邪在表則能食邪在裏則不能食不欲食者邪在表裏之間未至於必不能食也邪在表則不煩不嘔邪在裏則煩滿而嘔

心煩喜嘔者邪在表方傳裏也邪初入裏未有定處則所傳不一故有或為之證有柴胡證但見一證便是即
是此或為之證

小柴胡湯方

柴胡

半斤味苦微寒

黃芩

三兩味苦寒

人參

三兩味甘溫

甘草

三兩味甘平

半夏

半升洗味辛溫

生薑

三兩切味辛溫

大棗

十二枚擘味甘溫

內經曰熱淫於內以苦發之柴胡黃芩之苦以發傳邪之熱裏不足者以甘緩之人參甘草之甘以緩中和之氣邪半入裏則裏氣逆辛以散之半夏以除煩嘔邪在半表則榮衛爭之辛甘解之薑棗以和榮衛

右七味以水一斗二升煮取六升去滓再煎取三升

溫服一升日三服 後加減法

若胃中煩而不嘔去半夏人參加括蕒實一枚胃中煩而不嘔

熱聚而氣不逆也甘者令人中滿方熱聚無用人參之補辛散逆氣既不嘔無用半夏之辛溫熱宜寒療聚宜

苦括蕒實苦寒以泄胃中蘊熱若渴者去半夏加人參合前成四兩半

括蕒根四兩半夏燥津液非渴者所宜人參甘而潤括蕒根苦而涼徹熱生津二物為當若

腹中痛者去黃芩加芍藥三兩去黃芩惡寒中加芍藥以通壅若脇下

痞鞭去大棗加牡蠣四兩甘令人中滿痞者去大棗之甘鹹以栗之痞鞭者加牡蠣

之鹹若心下悸小便不利者去黃芩加茯苓四兩飲而不行

為悸小便不利內經曰腎欲堅急食苦以堅腎則水益堅故去黃芩淡味滲泄為陽茯苓甘淡以泄伏水若

不渴外有微熱者去人參加桂三兩溫覆取微汗愈不渴

者裏和也故去人參外有微熱表未解也加桂以發汗若欬者去人參大棗生薑

加五味子半升乾薑二兩欬者氣逆也甘則壅氣故去人參大棗內經曰肺欲收急

食酸以收之五味子之酸以收逆氣肺寒則欬散以辛熱故易生薑以乾薑之熱也血弱氣盡腠

理開邪氣因入與正氣相搏結於脇下正邪分爭往來

寒熱休作有時默默不欲飲食藏府相連其痛必下邪

高痛下故使嘔也小柴胡湯主之

人之氣血隨時盛衰當月郭空之時則為

血弱氣盡腠理開踈之時也邪氣乘虛傷人則深針經曰月郭空則海水東盛人氣血虛衛氣去形獨居肌肉減皮膚緩腠理開毛髮殘脆理薄烟垢落當是時遇賊風則其入深者是矣邪因正虛自表之裏而結於脇下與正分爭作往來寒熱默默不欲飲食下為自外之內經絡與藏府相連氣隨經必傳於裏故曰其痛下痛一作病邪在上焦為邪高邪漸傳裏為痛下裏氣與邪氣相搏逆而上行故使嘔也與小柴胡湯以解半表半裏之服柴胡湯已渴者屬陽明也以法治之

服小柴胡湯表邪已而渴

裏邪傳於陽明也得病六七日脉遲浮弱惡風寒手足溫

醫二三下之不能食而脇下滿痛面目及身黃頸項強

小便難者與柴胡湯後必下重本渴而飲水嘔者柴胡

湯不中與也食穀者噦

得病六七日脉遲浮弱惡風寒手足温則邪氣在半表半裏未

為實反二三下之虛其胃氣損其津液邪蘊於裏故不能食而脇下滿痛胃虛為熱蒸之熏發於外面目及身悉黃也頸項强者表仍未解也小便難者內亡津液雖本柴胡湯證然以裏虛下焦氣澀而小便難若與柴胡湯又走津液後必下重也不因飲水而嘔者柴胡湯證若本因飲而嘔者水停心下也金匱要畧曰先渴却嘔者為水停心下此屬飲家飲水者水停而嘔食穀者物聚而噦皆非小柴胡湯所宜二者皆柴胡湯之戒不可不識

傷寒四五日身熱惡風頸項強脇下滿手足温而

渴者小柴胡湯主之

身熱惡風頸項強者表未解也脇下滿而渴者裏不和也邪在表則

手足通熱邪在裏則手足厥寒今手足溫者知傷寒陽邪在表裏之間也與小柴胡湯以解表裏之邪

脉澀陰脉弦法當腹中急痛者先與小建中湯不差者

與小柴胡湯主之

脉陽澀陰弦而腹中急痛者當作裏有虛寒治之與小建中湯溫中散寒

若不差者非裏寒也必由邪氣自表之裏裏氣不利所致與小柴胡湯去黃芩加芍藥以除傳裏之邪

小建中湯方

桂枝

三兩去皮
味辛熱

甘草

三兩炙
味甘平

大棗

十二枚擘
味甘溫

芍藥

六兩
味酸微寒

生薑

二兩切
味辛溫

膠飴

一升
味甘

建中者建脾也內經曰脾欲緩急食甘以緩之膠飴大棗甘草之甘以緩中也辛潤散也榮衛不足潤而

散之桂枝生薑之辛以行榮衛酸收也泄也正
氣虛弱收而行之芍藥之酸以收正氣

右六味以水七升煮取三升去滓內膠飴更上微火
消解溫服一升日三服嘔家不可用建中湯以甜故
也

傷寒中風有柴胡證但見一證便是不必悉具

柴胡證是邪氣

在表裏之間也或胸中煩而不嘔或渴或腹中痛或脇
下痞軟或心下悸小便不利或不渴身有微熱或欬但
見一證便宜與柴胡湯治凡柴胡湯病證而下之若柴
之不必待其證候全具也

胡證不罷者復與柴胡湯必蒸蒸而振却發熱汗出而

解邪在半表半裏之間為柴胡證即未作裏實醫便以藥下之若柴胡證仍在者雖下之不為逆可復與柴

胡湯以和解之得湯邪氣還表者外作蒸蒸而熱先經下裏虛邪氣欲出內則振振然也正氣勝陽氣生却復

發熱汗出而解也傷寒二三日心中悸而煩者小建中湯主之

傷寒二三日邪氣在表未當傳裏之時心中悸而煩是非邪氣傳所致心悸者氣虛也煩者血虛也以氣血內

虛與小建中湯先建其裏太陽病過經十餘日反二三下之後四五

日柴胡證仍在者先與小柴胡湯嘔不止心下急鬱鬱

微煩者為未解也與大柴胡下之則愈日數過多累經攻下而柴胡證

不罷者亦須先與小柴胡湯以解其表經曰凡柴胡湯病證而下之若柴胡證不罷者復與柴胡湯是也嘔止

者表裏和也若嘔不止鬱鬱微煩者裏熱已甚結於胃中也與大柴胡湯下其裏熱則愈

大柴胡湯方

柴胡

半斤味
甘平

黃芩

三兩味
苦寒

芍藥

三兩味
酸微寒

半夏

半升洗
味辛溫

生薑

五兩切
味辛溫

枳實

四枚炙
味苦寒

大棗

十二枚
味甘溫

大黃

二兩味
苦寒

柴胡黃芩之苦入心而折熱枳實芍藥之酸苦湧泄而扶陰辛者散也半下之辛以散逆氣辛甘和也薑棗之辛甘以榮衛

右七味以水一斗二升煮取六升去滓再煎溫服一

升日三服一方用大黃二兩若不加大黃恐不為大柴胡湯也

傷寒十三日不解胃脇滿而嘔日晡所發潮熱已而微利此本柴胡證下之而不得利今反利者知醫以圓藥下之非其治也潮熱者實也先宜小柴胡湯以解外後

以柴胡加芒硝湯主之

傷寒十三日再傳經盡當解之時也若不解胃脇滿而嘔者邪

氣猶在表裏之間此為柴胡湯證若以柴胡湯下之則更無潮熱自利醫反以丸藥下之虛其腸胃邪熱乘虛入府日晡所發潮熱已而利也潮熱雖為熱實然胃脇之邪未已故先與小柴胡湯以解外後以柴胡加芒

硝以下傷寒十三日不解過經譏語者以有熱也當以

胃熱

湯下之若小便利者大便當鞅而反下利脉調和者知

醫以丸藥下之非其治也若自下利者脉當微厥今反

和者此為內實也調胃承氣湯主之

傷寒十三日再傳經盡謂之過經譏

語者陽明胃熱也當以諸承氣湯下之若小便利者津液偏滲大便當鞅反下利者知醫以丸藥下之也下利脉微而厥者虛寒也今脉調和則非虛寒由腸虛胃熱協熱而利也與調胃承氣湯以下胃熱太陽病

不解熱結膀胱其人如狂血自下下者愈其外不解者

尚未可攻當先解外外解已但少腹急結者乃可攻之

宜桃核承氣湯方

太陽膀胱經也太陽邪熱不解隨經入府為熱結膀胱其人如狂者為未

至於狂但不寧爾經曰其人如狂者以熱在下焦太陽多熱熱在膀胱必與血相搏若血不為畜為熱迫之則血自下血下則熱隨血出而愈若血不下者則血為熱搏畜積於下而少腹急結乃可攻之與桃核承氣湯下熱散血內經曰從外之內而盛於內者先治其外後調其內此之謂也

桃核承氣湯方

桃仁

五十箇去皮尖味甘平

桂枝

二兩去皮味辛熱

大黃

四兩

芒硝

二兩

甘草

二兩炙

甘以緩之辛以散之少腹急結緩以桃人之甘下焦畜血散以桂枝之辛大熱之氣寒以取之熱甚搏血

故加二物於調胃承氣湯中也

右五味以水七升煮取二升半去滓內芒硝更上火微沸下火先食溫服五合日三服當微利

傷寒八九日下之胃滿煩驚小便不利譫語一身盡重

不可轉側者柴胡加龍骨牡蠣湯主之

傷寒八九日邪氣已成熱而復

傳陽經之時下之虛其裏而熱不除胃滿而煩者陽熱客於胃中也驚者心惡熱而神不守也小便不利者裏虛津液不行也譫語者胃熱也一身盡重不可轉側者陽氣內行於裏不營於表也與柴胡湯以除胃滿而煩加龍骨牡蠣鈆丹收斂神氣而鎮驚加茯苓以行津液利小便加大黃以逐胃熱止譫語加桂枝以行陽氣而

解身重錯雜之邪斯悉愈矣

柴胡加龍骨牡蠣湯方

半夏

二合洗

大棗

六枚

柴胡

四兩

生薑

一兩半

人參

一兩半

龍骨

一兩半

鈎丹

一兩半

桂枝

一兩半去皮

茯苓

一兩半

大黃

二兩

牡蠣

一兩半熬

右十一味以水八升煮取四升內大黃切如碁子更煮一二沸去滓溫服一升

傷寒腹滿讖語寸口脉浮而緊此肝乘脾也名曰縱刺

期門

腹滿讖語者脾胃疾也浮而緊者肝脉也脾病見肝脉木行乘土也經曰水行乘火木行乘土名曰

縱此其類矣期門者肝之募刺之以寫肝經盛氣

傷寒發熱嗇嗇惡寒大渴欲

飲水其腹必滿自汗出小便利其病欲解此肝乘肺也

名曰橫刺期門

傷寒發熱嗇嗇惡寒肺病也大渴欲飲水肝氣勝也玉函曰作大渴欲飲酢漿

是知肝氣勝也傷寒欲飲水者愈若不愈而腹滿者此肝行乘肺水不得行也經曰水行乘金名橫刺期門以瀉肝之盛氣肝肺氣平水散而津液得通外作自汗出內為小便利而解也

太陽病二日反

躁反熨其背而大汗出火熱入胃胃中水竭躁煩必發

讖語十餘日振慄自下利者此為欲解也故其汗從腰

已下不得汗欲小便不得反嘔欲失溲足下惡風大便

鞭小便當數而反不數及多大便已頭卓然而痛其人

足心必熱穀氣下流故也

太陽病二日則邪在表不當發躁而反躁者熱氣行於裏

也反熨其背而發汗大汗出則胃中乾燥火熱入胃胃中燥熱躁煩而譫語至十餘日振慄自下利者火邪勢

微陰氣復生津液得復也故為欲解火邪去大汗出則愈若從腰以下不得汗則津液不得下通故欲小便不

得熱氣上逆而反嘔也欲失溲足下惡風者氣不得通於下而虛也津液偏滲令大便鞭者小便當數經曰小

便數者大便必鞭也此以火熱內燥津液不得下通故小便不數及不多也若火熱消津液和則結鞭之便得

潤因自大便也便已頭卓然而痛者先大便鞭則陽氣不得下通既得大便則陽氣降下頭中陽虛故卓然而

痛穀氣者陽氣也先陽氣不通於下之時足下惡風今陽氣得下故足心熱也

太陽病中風以

火劫發汗邪風被火熱血氣流溢失其常度兩陽相熏

灼其身發黃陽盛則欲衄陰虛則小便難陰陽俱虛竭

身體則枯燥但頭汗出劑頸而還腹滿微喘口乾咽爛

或不大便久則譫語甚者至噦手足躁擾捻衣摸牀小

便利者其人可治

風為陽邪因火熱之氣則邪風愈甚迫於血氣使血氣流溢失其常度風

與火氣謂之兩陽兩陽相熏灼熱發於外必發身黃若熱搏於經絡為陽盛外熱迫血上行必衄熱搏於內者為陰虛內熱必小便難若熱消血氣血氣少為陰陽俱虛血氣虛少不能榮於身體為之枯燥三陽經絡至頸

三陰至胃中而還但頭汗出劑頸而還者熱氣炎上搏陽而不搏於陰也內經曰諸脹腹大皆屬於熱腹滿微喘者熱氣內鬱也內經曰火氣內發上為口乾咽爛者火熱上熏也熱氣上而不下者則大便不鞭若熱氣下入胃消耗津液則大便鞭故云或不大便久則胃中燥熱必發讖語內經曰病深者其聲噦火氣大甚正氣逆亂則噦內經曰四肢者諸陽之本也陽盛則四肢實火熱大甚故手足躁擾捻衣摸牀擾亂也小便利者為火未劇津液未竭而猶可治也

起卧不安者桂枝去芍藥加蜀漆牡蠣龍骨救逆湯主

之傷寒脉浮責邪在表醫以火劫發汗汗出大出者亡其陽汗者心之液亡陽則心氣虛心惡熱火邪內迫則心神浮越故驚狂起卧不安與桂枝湯解未盡表邪去芍藥以芍藥益陰非亡陽所宜也火邪錯逆加蜀漆

之辛以散之陽氣亡脫加龍骨牡蠣之澀以固之本草云澀可去脫龍骨牡蠣之屬是也

桂枝湯去芍藥加蜀漆龍骨牡蠣救逆湯主之

桂枝

三兩
去皮

甘草

二兩
炙

生薑

三兩
切

牡蠣

五兩
熬
味酸鹹

龍骨

四兩
味甘平

大棗

十二
枚擘

蜀漆

三兩
洗去
腥味
辛平

右為末以水一斗二升先煮蜀漆減二升內諸藥煮

取三升去滓溫服一升

形作傷寒其脉不弦緊而弱弱者必渴被火者必譫語

弱者發熱脉浮解之當汗出愈

形作傷寒謂頭痛身熱也脉不弦緊則無傷寒

表脉也經曰諸弱發熱則脉弱為裏熱故云弱者必渴若被火氣兩熱相合搏於胃中胃中躁煩必發讖語脉弱發熱者得脉浮為邪太太陽病以火熏之不得汗其人氣還表當汗出而解矣

必躁到不解必清血名為火邪

此火邪迫血而血下行者也太陽病用火熏之

不得汗則熱無從出陰虛被火必發躁也六日傳經盡至七日再到太陽經則熱氣當解若不解熱氣迫血下行必清血脉浮熱甚反灸之此為實實以虛治因火而清也

動必咽燥唾血

此火邪迫血而血上行者也脉浮熱甚為表實醫以脉浮為虛用火灸之因火

氣動血迫血上行故咽燥唾血微數之脉慎不可灸因火為邪則為煩

逆追虛逐實血散脉中火氣雖微內攻有力焦骨傷筋

血難復也

微數之脈則為熱也灸則除寒不能散熱是慎不可灸也若反灸之熱因火則甚遂為煩逆

灸本以追虛而復遂熱為實熱則傷血又加火氣使血散脈中氣主响之血主濡之氣血消散不能濡潤筋骨致骨焦筋傷血散而難復也 脈浮宜以汗解用火灸之邪無從出因

火而盛病從腰以下必重而痺名火逆也

脈浮在表宜以汗解之醫

以火灸取汗而不得汗邪無從出又加火氣相助則熱愈甚身半以上同天之陽半身以下同地之陰火性炎上則腰已下陰氣獨治故從腰以下必重而痺也 欲自解者必當先煩乃有汗

而解何以知之脈浮故知汗出解也

煩熱也邪氣還表則為煩熱汗出而

解以脈浮故為邪還表也

燒針令其汗針處被寒核起而赤者必發

奔豚氣從少腹上衝心者灸其核上各一壯與桂枝加

桂湯更加桂二兩

燒針發汗則損陰血而驚動心氣針處被寒氣聚而成核心氣因驚而虛

腎氣乘寒氣而動發為奔豚金匱要畧曰病有奔豚從驚發得之腎氣欲上乘心故其氣從少腹上衝心也先灸核上以散其寒與桂枝加桂湯以泄奔豚之氣火逆下之因燒針煩躁者桂

枝甘草龍骨牡蠣湯主之

先火為逆復以下除之裏氣因虛又加燒針裏虛而為火

熱所煩故生煩躁與桂枝甘草龍骨牡蠣湯以散火邪

桂枝甘草龍骨牡蠣湯方

桂枝 一兩

甘草 二兩

牡蠣 二兩

龍骨 二兩

辛甘發散桂枝甘草之辛甘以發散經中之火邪
澀可去脫龍骨牡蠣之澀以收斂浮越之正氣

右為末以水五升煮取二升半去滓溫服八合日三

服

太陽傷寒者加溫針必驚也

寒則傷榮榮氣微者加燒針則血留不行驚者溫針

損榮血而動心氣金匱要畧曰血氣少者屬於心

太陽病當惡寒發熱今自汗

出不惡寒發熱關上脉細數者以醫吐之過也一二日

吐之者腹中饑口不能食三四日吐之者不喜糜粥欲

食冷食朝食暮吐以醫吐之所致也此為小逆

惡寒發熱為太

陽表病自汗出不惡寒發熱者陽明證本太陽表病醫
反吐之傷動胃氣表邪乘虛傳於陽明也以關脈細數
知醫吐之所致病一二日為表邪尚寒而未成熱吐之
則表寒傳於胃中胃中虛寒故腹中飢而口不能食病
三四日則表邪已傳成熱吐之則表熱乘虛入胃胃中
虛熱故不喜糜粥欲食冷食朝食暮吐也朝食暮吐者
晨食入胃胃虛不能克化即知至暮胃氣行裏與太陽
邪氣相搏則胃氣反逆而以胃氣尚在故止云小逆

病吐之但太陽病當惡寒今反不惡寒不欲近衣此為

吐之內煩也

太陽表病醫反吐之傷於胃氣邪熱乘虛入胃胃為邪熱內煩故不惡寒不欲近衣

也病人脈數數為熱當消穀引食而反吐者此以發汗
令陽氣微膈氣虛脈乃數也數為客熱不能消穀以胃

中虛冷故吐也

陽受氣於胃中發汗外虛陽氣是令陽氣微腸氣虛也數為熱本熱則合消穀

客熱則不能消穀因發汗外損陽氣致胃中虛冷故吐也太陽病過經十餘日心下

溫溫欲吐而胃中痛大便反澹腹微滿鬱鬱微煩先此

時自極吐下者與調胃承氣湯若不爾者不可與但欲

嘔胃中痛微澹者此非柴胡證以嘔故知極吐下也

下心

溫溫欲吐鬱鬱微煩胃中痛當責邪熱客於胃中大便反澹腹微滿則邪熱已下於胃也日數雖多若不經吐下止是傳邪亦未可下當與柴胡湯以除上中二焦之邪若曾吐下傷損胃氣胃虛則邪乘虛入胃為實非柴胡湯所能去與調胃承氣湯下胃熱以嘔知胃氣先曾傷動也太陽病六七日表證仍

在脉微而沈反不結胃其人發狂者以熱在下焦少腹

當鞭滿小便自利者下血乃愈所以然者以太陽隨經

於熱在裏故也抵當湯主之

太陽經也膀胱府也此太陽隨經入府者也六七日

邪氣傳裏之時脉微而沈邪氣在裏之脉也表證仍在者則邪氣猶淺當結於胃中若不結於胃中其人發狂者熱結在膀胱也經曰熱結膀胱其人如狂此發狂則熱又深也少腹鞭滿小便不利者為無血也小便自利者血證諦也與與者抵當湯以下畜血

抵當湯方

水蛭

三十箇熱鹹苦寒

蟅蟲

三十箇熱去翅足味苦微寒

桃仁

二十箇去皮尖味苦甘平

大黃

三兩酒浸味苦寒

苦走血鹹勝血蠱蟲水蛭之鹹苦以除畜血甘緩結苦泄熱桃仁大黃之苦以下結熱

右四味為末以水五升煮取三升去滓溫服一升不

下再服

太陽病身黃脉沈結少腹鞭小便不利者為無血也小

便自利其人如狂者血證諦也抵當湯主之

身黃脉沈結少腹鞭

小便不利者胃熱發黃也可與茵陳湯身黃脉沈結少腹鞭小便自利其人如狂者非胃中瘀熱為熱結下焦而為畜血也與抵當湯以下畜血傷寒有熱少腹滿應小便不利今反

利者為有血也當下之不可餘藥宜抵當圓

傷寒有熱少腹滿是

畜血於下焦若熱畜津液不通則小便不利其熱不畜津液而畜血不行小便自利者乃為畜血當與桃仁承氣湯抵當湯下之然此無身黃屎黑又無喜忘發狂是未至於甚故不可餘駢峻之藥也可與抵當丸小可下之也

抵當丸方

水蛭

二十箇
味苦寒

蟅蟲

二十五箇
味苦微寒

桃仁

二十箇
去皮尖

大黃

三兩

右四味杵分為四丸以水一升煮一九取七合服之

晡時當下血若不下者更服

太陽病小便利者以飲水多必心下悸小便少者必苦

裏急也

飲水多而小便自利者則水不內畜但腹中水多令心下悸金匱要畧曰食少飲多水停心下

甚者則悸飲水多而小便不利則水畜於內而不行必苦裏急也

釋音

內諸藥

上音納

啜粥

上音啜飲水也

協熱

上音挾

見風脉

上音現

漬

疾智切

虻

音回人腹中長蟲也

茈

音柴

瞑

音冥視不明也

悸

其季切心動也

人復

參呔咀

上音父下才與切呔咀嚼也對如麻可也

更衣

音改也

沫

音未

慎懷

上音切

下奴刀切又女江切
心亂也慎懷痛悔聲
窒陟栗切
塞也
擗肝入切
眴音縣目
慄栗音

懼蘊紅問切
積也
嘿音墨
靜也
但見下音
現
飴音怡
錫也
烝諸仍切
火
募

音滲色蔭
切
諦音帝
審也
水蛭音
質
蝨音
盲
駛峻上音決
下思
俊切險也

篆書
隸書
楷書

傷寒論注釋卷三

欽定四庫全書

子部

傷寒論注釋卷五十四

詳校官太醫院八品吏目_臣黃發

編修_臣倉聖脈覆勘

總校官編修_臣王燕緒

校對官主事_臣陳文樞

謄錄監生_臣汪志伊

欽定四庫全書

傷寒論注釋卷四

金成無已注

辨太陽病脉證并治法下第七

問曰病有結胃有藏結其狀何如答曰按之痛寸脉浮
關脉沈名曰結胃也何謂藏結答曰如結胃狀飲食如
故時時下利寸脉浮關脉小細沈緊名曰藏結舌上白

胎滑者難治

結胃者邪結在胃藏結者邪結在藏二者皆下後邪氣乘虛入裏所致下後邪氣入

裏與陽相結者為結胃以陽受氣於胃中故爾與陰相結者為藏結以陰受之則入五藏故爾氣宜通而塞故痛邪結陽分則陰氣不得上通邪結陰分則陽氣不得下通是二者皆心下鞭痛寸脉浮關脉沈知邪結在陽也寸脉浮關脉小細沈緊知邪結在陰也陰結而陽不結雖心下結痛飲食亦自如故陰氣乘腸虛而下故時自下利陰得陽則解藏結得熱證多則易治

藏結無

陽證不往來寒熱其人反靜舌上胎滑者不可攻也

藏結

於法當下無陽證為表无熱不往來寒熱為半表半裏無熱其人反靜為裏無熱經曰舌上如胎者以丹田有熱胃中有寒邪氣以表裏皆寒故不可攻

病發於陽而反下之熱入因作結

胃病發於陰而反下之因作痞所以成結胃者以下之

大早故也

發熱惡寒者發於陽也而反下之則表中陽邪入裏結於胃中為結胃無熱惡寒者發於

陰也而反下之則表中陰邪入裏結於心下為痞

結胃者項亦強如柔痙狀下

之則和宜大陷胃丸方

結胃病項強者為邪結胃中胃腸結滿心下緊實但能仰而不

能俛是項強亦如柔痙之狀也與大陷胸丸下結泄滿

大陷胃丸方

大黃

半斤味苦寒

葶藶

半斤熱味苦寒

芒硝

半斤味鹹寒

杏仁

半升去皮尖熬黑味苦甘溫

大黃芒硝之苦鹹所以下熱葶藶杏仁之苦甘所以泄滿甘遂取其直達白蜜取其潤利皆以下泄滿實

也物

右肆味搗篩貳味內杏仁芒硝合研如脂和散取如
彈丸壹枚別搗甘遂末壹錢匕白蜜貳合水貳升煮
取壹升溫頓服之壹宿乃下如不下更服取下為効

禁如藥法

結胃證其脉浮大者不可下下之則死

結胃為邪結胃中屬上焦之分

得寸脉浮關脉沈者為在裏則可下若脉浮大心下雖結是在表者猶多未全結也下之重虛邪氣復結則難可制故云結胃證悉具煩躁者亦死

結胃證悉具邪結已深也煩躁者正

下之則死

氣散亂也邪氣
勝正病者必死

太陽病脉浮而動數浮則為風數則為

熱動則為痛數則為虛頭痛發熱微盜汗出而反惡寒

者表未解也醫反下之動數變遲膈內拒痛胃中空虛

客氣動膈短氣躁煩心中懊懣陽氣內陷心下因鞭則

為結胃大陷胃湯主之若不結胃但頭汗出餘處無汗

劑頸而還小便不利身必發黃也

動數皆陽脉也當責邪在表睡而汗出者

謂之盜汗為邪氣在表表半裏則不惡寒此頭痛發熱微盜汗出反惡寒者表未解也當發其汗醫反下之虛其胃氣表邪乘虛則陷邪在表則見陽脉邪在裏則見陰脉邪氣內陷動數之脉所以變遲而浮脉獨不變者

以邪結胃中上焦陽結脉不得而沈也客氣者外邪乘胃中空虛入裏結於胃腸膈中拒痛者客氣動膈也金匱要畧曰短氣不足以息者實也短氣躁煩心中懊憹皆邪熱為實陽氣內陷氣不得通於膈壅於心下為鞭滿而痛成結胸也與大陷胃湯以下結熱若胃中空虛陽氣內陷不結於胃膈下入於胃中者遍身汗出則為熱越不能發黃若但頭汗出身無汗劑頸而還小便不利者熱不得越必發黃也

大陷胃湯方

大黃

陸兩去皮苦寒

芒硝

壹升鹹寒

甘遂

壹錢七苦寒

大黃謂之將軍以苦蕩滌芒硝一名消石以其鹹能更鞭夫間有遂以通水也甘遂若夫間之遂其氣可以直達透結胃陷三物為允

右參味以水陸升先煮大黃取貳升去滓內芒硝煮壹兩沸內甘遂末溫服壹升得快利止後服

傷寒六七日結胃熱實脈沈而緊心下痛按之石鞭者

大陷胃湯主之

病在表而下之熱入因作結胃此不云下後而云傷寒六七日則是傳裏之實

熱也沈為在裏緊為裏實以心下痛按之實鞭是以為結胃與大陷胃湯以下結熱

傷寒十餘日

熱結在裏復往來寒熱者與大柴胡湯但結胃無大熱者此為水結在胃脇也但頭微汗出者大陷胃湯主之

傷寒十餘日熱結在裏是可下之證復往來寒熱為正邪分爭未全欬結與大柴胡湯下之但結胃無大熱者

非熱結也是水飲結於胃脇謂之水結胃周身汗出者是水飲外散則愈若但頭微汗出餘處無汗是水飲不得外泄停蓄而不行也
與大陷胃湯以逐其水
太陽病重發汗而復下之不大

便五六日舌上燥而渴日晡所小有潮熱從心下至少

腹鞭滿而痛不可近者大陷胃湯主之

重發汗而復下之則內外重亡

津液而邪熱內結致不大便五六日舌上燥而渴也日晡潮熱者屬胃此日晡小有潮熱非但在胃從心下至少腹鞭滿而痛不可近者是一腹之中上下邪氣俱甚也與大陷胸湯以下其邪
小結胸病正

在心下按之則痛脉浮滑者小陷胃湯主之

心下鞭痛手不可近

者結胃也正心下按之則痛是熱氣猶淺謂之小結胃結胃脉沈緊或寸浮關沈今脉浮滑知熱未深結與

小陷胃湯以除
胃腸上結熱也

小陷胃湯方

黃連

壹兩
苦寒

半夏

半升
洗
辛溫

括萋實

大者壹
箇
苦寒

苦以泄之辛以收之黃連括萋實
之苦寒以泄熱半夏之辛以散結

右參味以水陸升先煮括萋取參升去滓內諸藥煮
取貳升去滓分溫參服

太陽病二三日不能卧但欲起心下必結脉微弱者此
本有寒分也反下之若利止必作結胃未止者四日復

下之此作協熱利也

太陽病二三日邪在表也不能卧但欲起心下必結者以心下結滿卧則

氣壅而愈甚故不能卧而但欲起也心下結滿有水分有寒分有氣分今脉微弱知本有寒分醫見心下結而反下之則太陽表邪乘虛入裏利止則邪氣留結為結胃利不止至次日復如前下利不止者是邪熱下攻腸胃為扶熱利也

太陽病下之其脉促不結胃者此為欲解也脉

浮者必結胃也脉緊者必咽痛脉弦者必兩脇拘急脉

細數者頭痛未止脉沈緊者必欲嘔脉沈滑者協熱利

脉浮滑者必下血

此太陽病下之後邪氣傳變其脉促者為陽盛下後脉促為陽勝陰也故

不作結胃為欲解下後脉浮為上焦陽邪結而為結胃也經曰結胃者寸脉浮關脉沈下後脉緊則太陽之邪

傳於少陰經曰脉緊者屬少陰內經曰邪客於少陰之絡令人噎痛不可內食所以脉緊者必咽痛脉弦則太陽之邪傳於少陽經曰尺寸俱弦者少陽受病也其脉循脇絡於耳所以脉弦者必兩脇拘急下後邪氣傳裏則頭痛當止脉細數為邪未傳裏而傷氣也細為氣少數為在表故頭痛未止脉沈緊則太陽之邪傳於陽明為裏實也沈為在裏緊為裏實陽明裏實故必欲嘔脉滑則太陽之邪傳於腸胃以滑為陰氣有餘知邪氣入裏干於下焦也沈為血勝氣虛是為協熱利浮為氣勝血虛是知必下血經曰不宜下而便攻之諸變不可勝數此之謂也

病在陽應以汗解之反以冷水澀之若灌之其熱被劫不得去彌更益煩肉上粟起意欲飲水反不渴者服文蛤散若不差者與五苓散寒實結胃無熱證者

與三物小陷胃湯白散亦可服

病在陽為邪在表也法當汗出而解反以冷水

澀之灌洗熱被寒水外不得出則反攻其裏彌更益煩肉上粟起者水寒之氣客於皮膚也意欲飲水者裏有熱也反不渴者寒在表也與文蛤散以散表中水寒之氣若不差是水熱相搏欲傳於裏與五苓散發汗以和之始熱在表因水寒制之不得外泄內攻於裏結於胃膈心下鞭痛本以水寒伏熱為實故謂之寒實結胃無熱證者外無熱而熱悉收斂於裏也與小陷胃湯以下逐之白散下熱故亦可攻

文蛤散方

文蛤

五兩味鹹寒

鹹走腎則可以勝水氣

右壹味為散以沸湯和壹升溫服湯用五合

白散方

桔梗

參分味辛
苦微溫

芑豆

壹分去皮心熬
黑研如脂辛溫

貝母

三分味
辛苦平

辛散而苦泄桔梗貝母之苦辛
用以下氣芑豆之辛用以散實

右件參味為散內芑豆更於白中杵之以白飲和服
強人半錢七羸者減之病在膈上必吐在膈下必利
不利進熱粥壹杯利過不止進冷粥壹杯身熱皮粟
不解欲引衣自覆者若水以溼之洗之益令熱却不

得出當汗而不汗則煩假令汗出已腹中痛與芍藥
參兩如上法

太陽與少陽併病頭項強痛或眩冒時如結胃心下痞
鞭者當刺大椎第一間肺俞肝俞慎不可發汗發汗則

識語脉弦五六日識語不止當刺期門

太陽之脉絡頭下項頭項強痛

者太陽表病也少陽之脉循胃絡脇如結胃心下痞鞭者少陽裏病也太陽少陽相併為病不純在表故頭項不但強痛而或眩冒亦未全入裏故時如結胃心下痞
鞭此邪在半表半裏之間也刺大椎第一間肺俞以寫太陽之邪刺肝俞以寫少陽之邪邪在表則可發汗邪在半表半裏則不可發汗發汗則亡津液損動胃氣少

陽之邪因干於胃土為木刑必發譫語脉弦至五六日傳經盡邪熱去而譫語當止若復不止為少陽邪熱甚也刺期門以寫肝膽之氣婦人中風發熱惡寒經水適來得之七八

日熱除而脉遲身涼胃脇下滿如結胃狀譫語者此為

熱入血室也當刺期門隨其實而寫之

中風發熱惡寒表病也若經水

不來表邪傳裏則入府而不入血室也因經水適來血室空虛至七八日邪氣傳裏之時更不入府乘虛而入於血室熱除脉遲身涼者邪氣內陷而表證罷也胃脇下滿如結胃狀譫語者熱入血室而裏實期門者肝之募肝主血刺期門者寫血室之熱婦人中風七八日續審看何經氣實更隨其實而寫之

得寒熱發作有時經水適斷者此為熱入血室其血必

結故使如瘧狀發作有時小柴胡湯主之

中風七八日邪氣傳裏之

時本無寒熱而續得寒熱經水適斷者此為表邪乘血室虛入於血室與血相搏而血結不行經水所以斷也血氣與邪分爭致寒熱如瘧而發作 婦人傷寒發熱經

水適來晝日明了暮則譫語如見鬼狀者此為熱入血

室無犯胃氣及上二焦必自愈

傷寒發熱者寒已成熱也經水適來則血室空

虛邪熱乘虛入於血室若晝日譫語為邪客於府與陽爭也此晝日明了暮則譫語如見鬼狀是邪不入府入於血室與陰爭也陽盛譫語則宜下此熱入血室不可與下藥犯其胃氣熱入血室血結寒熱者與小柴胡湯散邪發汗此雖熱入血室而不留結不可與發汗藥犯其上焦熱入血室胃腸滿如結胃狀者可刺期門此雖

熱入血室而無滿結不可刺期門犯其中焦必自愈者以經行則熱隨血去血下不已則邪熱悉除而愈矣所為發汗為犯上焦者發汗則動衛氣衛氣出上焦故也刺期門為犯中焦者刺期門則動榮氣榮氣出中焦故也脉經曰無犯胃氣及上二焦必自愈豈謂藥不謂針耶

傷寒六七日發熱微惡寒

支節煩疼微嘔心下支結外證未去者柴胡桂枝湯

主之

傷寒六七日邪當傳裏之時支散也嘔而心下結者裏證也法當攻裏發熱微惡寒支節煩疼為外

證未去不可攻裏與柴胡桂枝湯以和解之

傷寒五六日已發汗而復下之

胃脇滿微結小便不利渴而不嘔但頭汗出往來寒熱

心煩者此為未解也柴胡桂枝乾薑湯主之

傷寒五六日已經汗

下之後則邪當解今胃脇滿微結小便不利渴而不嘔但頭汗出往來寒熱心煩者即邪氣猶在半表半裏之間為未解也胃脇滿微結寒熱心煩者邪在半表半裏之間也小便不利而渴者汗下後亡津液內燥也若熱消津液令小便不利而渴者其人必嘔今渴而不嘔知非裏熱也傷寒汗出則和今但頭汗出而餘處無汗者津液不足而陽虛於上也與柴胡桂枝乾薑湯以解表裏之邪復津液而助陽也

柴胡桂枝乾薑湯方

柴胡

半斤味苦平

桂枝

三兩去皮味辛熱

乾薑

二兩味辛熱

括蔞根

四兩味苦寒

黃芩

三兩味苦寒

牡蠣

二兩熬味鹹寒

甘草

二兩炙味甘平

內經曰熱淫於內以苦發之柴胡黃芩之苦以解傳
裏之邪辛甘發散為陽桂枝甘草之辛甘以散在表
之邪鹹以乘之牡蠣之鹹以消胃腸之滿辛以潤之
乾薑之辛以固陽虛之汗津液不足而為渴苦以堅
之括萋之苦
以生津液

右柒味以水壹斗貳升煮取陸升去滓再煎取參升
溫服壹升日參服初服微煩復服汗出便愈

傷寒五六日頭汗出微惡寒手足冷心下滿口不欲食
大便鞭脉細者此為陽微結必有表復有裏也脉沈亦
在裏也汗出為陽微假令純陰結不得復有外證悉入

在裏此為半在裏半在外也脉雖沈緊不得為少陰病所以然者陰不得有汗今頭汗出故知非少陰也可與

小柴胡湯設不了了者得屎而解

傷寒五六日邪當傳裏之時頭汗出微惡

寒者表仍未解也手足冷心下滿口不欲食大便鞅脉細者邪結於裏也大便秘為陽結此邪熱雖傳於裏然以外帶表邪則熱結猶淺故曰陽微結脉沈雖為在裏若純陰結則更無頭汗惡寒之表證諸陰脉皆至頸胃中而還不上循頭今頭汗出知非少陰也與小柴胡湯以除半表半裏之邪服湯已外證罷而不了了者為裏熱未除與湯取其微利則愈故云得屎而解

傷寒五六日嘔而發熱者柴胡

湯證具而以他藥下之柴胡證仍在者復與柴胡湯此

雖已下之不為逆必蒸蒸而振却發熱汗出而解若心

下滿而鞭痛者此為結胃也大陷胃湯主之但滿而不

痛者此為痞柴胡不中與之宜半夏瀉心湯

傷寒五六日邪在半

表半裏之時嘔而發熱邪在半表半裏之證是為柴胡證具以他藥下之柴胡證不罷者不為逆却與柴胡湯則愈若下後邪氣傳裏者邪在半表半裏則陰陽俱有邪至於下後邪氣傳裏亦有陰陽之異若下後陽邪傳裏者則結於胃中為結胃以胃中為陽受氣之分與大陷胃湯以下其結陰邪傳裏者則留於心下為痞以心下為陰受氣之分與半夏瀉心湯以通其痞經曰病發於陽而反下之熱入因作結胃病發於陰而反下之因作痞此之謂也

半夏瀉心湯方

半夏

半升洗
味辛平

黃芩

味苦
寒

乾薑

味辛
熱

人參

已上各三
兩味甘溫

黃連

一兩味
苦寒

甘草

二兩氣
味甘平

大棗

十二枚擘
味甘溫

辛入肺而散氣半夏之辛以散結氣苦入心而泄熱黃連黃芩之苦以泄痞熱脾欲緩急食甘以緩之人參甘草大棗之甘以緩之

右柒味以水壹斗煮取陸升去滓再煮取參升溫服

壹升日參服

太陽少陽併病而反下之成結胃心下鞭下利不止水

漿不下其人心煩

太陽少陽併病為邪氣在半表半裏也而反下之二經之邪乘虛而入太

陽表邪入裏結於胃中為結胃心下鞭少陽裏邪乘虛下于腸胃遂利不止若邪結陰分則飲食如故而為藏結此為陽邪內結故水漿不下而心煩

脈浮而緊而復下之緊反入裏則

作痞按之自濡但氣痞耳

浮而緊浮為傷陽緊為傷陰當發其汗而反下之若浮入

裏為陽邪入裏則作結胃浮不入裏而緊入裏者為陰邪入裏則作痞

太陽中風下利嘔

逆表解者乃可攻之其人熱熱汗出發作有時頭痛心

下痞鞭滿引脇下痛乾嘔短氣汗出不惡寒者此表解

裏未和也十棗湯主之

下利嘔逆裏受邪也邪在裏者可下亦須待表解者乃可攻之

其人熱熱汗出發作有時不惡寒者表已解也頭痛心下痞鞭滿引脅下痛乾嘔短氣者邪熱內畜而有伏飲是裏未和也與十棗湯下熱逐飲

十棗湯方

芫花

熬味辛温

甘遂

味苦寒

大戟

味苦寒

大棗

拾枚擘味甘温

辛以散之芫花之辛以散飲苦以泄之甘遂大戟之苦以泄水水者腎所主也甘者脾之味也大棗之甘者益土而勝水

右三參味等分各別搗為散以水壹升半先煮大棗
肥者拾枚取捌合去滓內藥末強人服壹錢七羸人
服半錢溫服之平旦服若下少病不除者明日更服
加半錢得快下利後糜粥自養

太陽病醫發汗遂發熱惡寒因復下之心下痞表裏俱
虛陰陽氣並竭無陽則陰獨復加燒針因胃煩面色青

黃膚潤者難治今色微黃手足溫者易愈

太陽病因發汗遂發熱惡

寒者外虛陽氣邪復不除也因復下之又虛其裏表中
虛邪內陷傳於心下為痞發汗表虛為竭陽下之裏虛

為竭陰表證罷為無陽裏有痞為陰獨又加燒針虛不勝火火氣內攻致胃煩也傷寒之病以陽為主其人面色青膚肉攣動者陽氣大虛故云難治若面色微黃手足溫者即陽氣得復故云易愈

心下痞按

之濡其脉關上浮者大黃黃連瀉心湯主之

心下鞭按之痛關脉

沈者實熱也心下痞按之濡其脉關上浮者虛熱也大黃黃連湯以導其虛熱

大黃黃連瀉心湯方

大黃

貳兩味苦寒

黃連

壹兩味苦寒

內經曰火熱受邪心病生焉苦入心寒除熱大黃黃連之苦寒以導瀉心下之虛熱但以麻沸湯漬服者取其氣薄而泄虛熱

右貳味以麻沸湯貳升漬之須臾絞去滓分溫再服

心下痞而復惡寒汗出者附子瀉心湯主之

心下痞者
虛熱內伏

也惡寒汗出者陽氣外虛也與瀉心湯攻痞加附子以固陽

本以下之故心下痞與

瀉心湯痞不解其人渴而口燥煩小便不利者五苓散

主之

本因下後成痞當與瀉心湯除之若服之痞不解其人渴而口燥煩小便不利者為水飲內畜津液

不行非熱痞也與五苓散發汗散水則愈一方忍之一日乃愈者不飲者外水不入所停之水得行而痞亦愈

矣傷寒汗出解之後胃中不和心下痞鞭乾噫食臭脅

下有水氣腹中雷鳴下利者生薑瀉心湯主之

胃為津液之主

陽氣之根大汗出後外亡津液胃中空虛客氣上逆心下痞鞭金匱要略曰中焦氣未和不能消穀故令噫乾噫食臭者胃虛而不殺穀也脅下有水氣腹中雷鳴土弱不能勝水也與瀉心湯以攻痞加生薑以益胃傷

寒中風醫反下之其人下利日數十行穀不化腹中雷

鳴心下痞鞭而滿乾嘔心煩不得安醫見心下痞謂病

不盡復下之其痞益甚此非結熱但以胃中虛客氣上

逆故使鞭也甘草瀉心湯主之

傷寒中風是傷寒或中風也邪氣在表醫反下

之虛其腸胃而氣內陷也下利日數十行穀不化腹中雷鳴者下後裏虛胃弱也心下痞鞭乾嘔心煩不得安者胃中空虛客氣上逆也與瀉心湯以攻表加甘草以補虛前以汗後胃虛是外傷陽氣故加生薑比以下後

胃虛是內損陰
氣故加甘草

傷寒服湯藥下利不止心下痞鞭服瀉

心湯已復以他藥下之利不止醫以理中與之利益甚

理中者理中焦此利在下焦赤石脂禹餘糧湯主之復

利不止者當利其小便

傷寒服湯藥下後利不止而心下痞鞭者氣虛而客氣上逆也

與瀉心湯攻之則痞已醫復以他藥下之又虛其裏致利不止也理中丸脾胃虛寒下利者服之愈此以下焦虛故與之其利益甚聖濟經曰滑則氣脫欲其收也如開腸洞泄便溺遺失澀劑所以收之此利由下焦不約與赤石脂禹餘糧湯以澀洞泄下焦主分清濁下利者水穀不分也若服澀劑而利不止當利小便以分其氣

赤石脂禹餘糧湯方

赤石脂

壹斤碎
味甘温

禹餘糧

壹斤碎
味甘平

本草云澀可去脫石脂之澀以收
斂之重可去怯餘糧之重以鎮固

已上貳味以水陸升煮取貳升去滓參服

傷寒吐下後發汗虛煩脉甚微八九日心下痞鞭脇下

痛氣上衝咽喉眩冒經脉動惕者久而成痿

傷寒吐下後發汗則

表裏之氣俱虛虛煩脉甚微為正氣內虛邪氣獨在至七八日正氣當復邪氣當罷而心下痞脇下痛氣上衝咽喉眩冒者正氣內虛而不復邪氣留結而不去經脉動惕者經絡之氣虛極久則熱氣還經必成痿弱

傷

寒發汗若吐若下解後心下痞鞭噫氣不除者旋復代

赭石湯主之

大邪雖解以曾發汗吐下胃氣弱而未和
虛氣上逆故心下痞鞭噫氣不除與旋復

代赭石湯降
虛氣而和胃

旋復代赭石湯方

旋復花

參兩味
鹹温

人參

貳兩味
甘温

生薑

五兩切
味辛温

代赭石

壹兩味
苦寒

大棗

拾貳枚
擘甘温

甘草

參兩炙
味甘平

半夏

半升洗
味辛温

鞭則氣堅鹹味可以乘之旋復之鹹以乘痞鞭怯則
氣浮重劑可以鎮之代赭之重以鎮虛逆辛者散也
生薑半夏之辛以散虛痞甘者緩
也人參甘草大棗之甘以補胃弱

右柒味以水壹斗煮取陸升去滓再煎取參升溫服壹升日三服

下後不可更行桂枝湯若汗出而喘無大熱者可與麻

黃杏子甘草石膏湯

前第三卷廿六證云發汗後不可更行桂枝湯汗出而喘無大熱者

為與此證治法同汗下雖殊既不當損正氣則一邪氣所傳既同遂用一法治之經所謂若發汗若下若吐後者是太陽病外證未除而數下之遂協熱而利利下不

止心下痞鞭表裏不解者桂枝人參湯主之

外證未除而數下之

為重虛其裏邪熱乘虛而入裏虛協熱遂利不止而心下痞若表解而下利心下痞者可與瀉心湯若不下利

表不解而心下痞者可先解表而後攻痞
以表裏不解故與桂枝人參湯和裏解表

桂枝人參湯方

桂枝

四兩去皮
味辛熱

甘草

四兩炙
味甘平

白朮

參兩味
甘平

人參

參兩味
甘溫

乾薑

參兩味
辛熱

表未解者辛以散之裏不足者甘以緩之此以裏
氣大虛表裏不解故加桂枝甘草於理中湯也

右伍味以水玖升先煮四味取伍升內桂更煮取參
升溫服壹升日再夜壹服

傷寒大下後復發汗心下痞惡寒者表未解也不可攻

痞當先解表表解乃可攻痞解表宜桂枝湯攻痞宜大

黃黃連瀉心湯

大下後復發汗則表裏之邪當悉已此心下痞而惡寒者表裏之邪俱不解也

因表不解而下之為心下痞先與桂枝湯解表表解乃與大黃黃連瀉心湯攻痞內經曰從外之內而盛於內者先治其外而後調其內傷寒發熱汗出不解心下痞鞭嘔吐而下

利者大柴胡湯主之

傷寒發熱寒已成熱也汗出不解表和而裏病也吐利心腹濡粟為

裏虛嘔吐而下利心下痞鞭者是裏實也與大柴胡湯以下裏熱

病如桂枝證頭不痛

項不強寸脉微浮胃中痞鞭氣上衝咽喉不得息者此

為胃有寒也當吐之宜瓜蒂散

病如桂枝證為發熱汗出惡風言邪在表也頭

痛項強為桂枝湯證具若頭不痛項不強則邪不在表而傳裏也浮為在表沈為在裏今寸脉微浮則邪不在表亦不在裏而在胃中也胃中與表相應故知邪在胃中者猶如桂枝證而寸脉微浮也以胃中痞鞭氣上衝咽喉不得息知寒邪客於胃中而不在表也千金曰氣浮上部填塞胃心胃中滿者吐之則愈與瓜蒂散以吐之邪

瓜蒂散方

瓜蒂

壹分 熬黃
味苦寒

赤小豆

壹分 味
酸溫

其高者越之越以瓜蒂香豉之苦在上者湧之湧以赤小豆之酸內經曰酸苦湧泄為陰

右貳味各別搗篩為散已合治之取壹錢匕以香豉

壹合用熱湯柒合煮作稀糜去滓取汁和散溫頓服
之不吐者少少加得快吐乃止諸亡血虛家不可與

瓜蒂散

病脇下素有痞連在臍傍痛引少腹入陰筋者此名藏

結死

素有宿昔之積結於脇下為痞今因傷寒邪氣入裏與宿積相合使藏真之氣結而不通致連在臍

傍痛引少腹入陰筋而死

傷寒病若吐若下後七八日不解熱結在

裏表裏俱熱時時惡風大渴舌上乾燥而煩欲飲水數

升者白虎加人參湯主之

若吐若下後七八日則當解復不解而熱結在裏表熱者

身熱也裏熱者內熱也本因吐下後邪氣乘虛內陷為結熱若無表熱而純為裏熱則邪熱結而為實此以表熱未罷時時惡風若邪氣純在表則惡風無時若邪氣純在裏則更不惡風以時時惡風知表裏俱有熱也邪熱結而為實者則無大渴邪熱散漫則渴今雖熱結在裏表裏俱熱未為結實邪氣散漫熏蒸焦膈故大渴舌上乾燥而煩欲飲水數升與白虎加人參湯散熱生津

傷寒無大熱口燥渴心煩

背微惡寒者白虎加人參湯主之

無大熱者為身無大熱也口燥渴心煩者

當作陽明病然以背微惡寒為表未全罷所以屬太陽也背為陽背惡寒口中和者少陰病也當與附子湯今口燥而渴背雖惡寒此裏熱也則惡寒亦不至甚故云微惡寒與白虎湯和表散熱加人參止渴生津

傷

寒脉浮發熱無汗其表不解者不可與白虎湯渴欲飲

水無表證者白虎加人參湯主之

傷寒脈浮發熱無汗其表不解不渴者宜

麻黃湯渴者宜五苓散非白虎所宜大渴欲水無表證者乃可與白虎加人參湯以散裏熱臨病之工大宜精

別太陽少陽併病心下鞭頸項強而眩者當刺大椎肺

俞肝俞慎勿下之

心下痞鞭而眩者少陽也頸項強者太陽也刺大椎肺俞以寫太陽之邪

以太陽脈下項俠脊故爾肝俞以寫少陽之邪以膽為肝之府故爾太陽為在表少陽為在裏即是半表半裏證前第八證云不可發汗發汗則譫語是發汗攻太陽之邪少陽之邪益甚于胃必發譫語比云慎勿下之攻少陽之邪太陽之邪乘虛入裏必作結胸

太陽與少陽

合病自下利者與黃芩湯若嘔者黃芩加半夏生薑湯

主之

太陽陽明合病自下利為在表當與葛根湯發汗陽明少陽合病自下利為在裏可與承氣湯下之

此太陽少陽合病自下利為在半表半裏非汗下所宜故與黃芩湯以和解半表半裏之邪嘔者胃氣逆也故

加半夏生薑以散逆氣

黃芩湯方

黃芩

參兩味苦寒

甘草

貳兩味甘平

芍藥

貳兩味酸平

大棗

拾貳枚擘味甘溫

虛而不實者苦以堅之酸以收之黃芩芍藥之苦酸以堅斂腸胃之氣弱而不足者甘以補之甘草大棗之甘以補固腸胃之弱

右肆味以水壹斗煮取參升去滓温服壹升日再夜壹服若嘔者加半夏半升生薑參兩

傷寒胃中有熱胃中有邪氣腹中痛欲嘔吐者黃連湯

主之

濕家下後舌上如胎者以丹田有熱胃上有寒是邪氣入裏而為下熱上寒也此傷寒邪氣傳裏而為下寒上熱也胃中有邪氣使陰陽不交陰不得升而獨治於下為下寒腹中痛陽不得降而獨治於上為胃中熱欲嘔吐與黃連湯升降陰陽之氣

黃連湯方

黃連

味苦寒

甘草

味甘平

乾薑

味辛熱

桂枝

去皮味辛
熱各參兩

人參

貳兩味
甘溫

半夏

半升洗
味甘溫

大棗

拾貳枚擘
味甘溫

上熱者泄之以苦黃連之苦以降陽下寒者散之以辛桂薑半夏之辛以升陰脾欲緩急食甘以緩之人參甘草大棗之甘以益胃

右柒味以水壹斗煮取陸升去滓溫服壹升日參服

夜貳服

傷寒八九日風濕相搏身體痠煩不能自轉側不嘔不渴脉浮虛而濇者桂枝附子湯主之

傷寒與中風家至
七八日再經之時

則邪氣多在裏身必不苦疼痛今日數多復身體疼煩
 不能自轉側者風濕相搏也煩者風也身疼不能自轉
 側者濕也經曰風則浮虛脈經曰脈來澹者為病寒濕
 也不嘔不渴裏無邪也脈得浮虛而澹身有疼煩知風
 濕但在經也與桂枝
 子湯以散表中風濕

附
 若其人大便鞭小便自利者去

桂枝加白朮湯主之

桂發汗走津液此小便利大便鞭為津液不足去桂加朮

桂枝附子湯方

桂枝

四兩去皮
 味辛熱

附子

八片味辛熱
 參枚炮去皮破

生薑

參兩切
 味辛温

甘草

貳兩炙
 味甘温

大棗

拾貳枚擘
 味甘温

風在表者散以桂枝甘草之辛甘濕在經者逐以
 附子之辛熱薑棗辛甘行榮衛通津液以和表也

右伍味以水陸升煮取貳升去滓分溫參服

風濕相搏骨節煩疼掣痛不得屈伸近之則痛劇汗出

短氣小便不利惡風不欲去衣或身微腫者甘草附子

湯主之

風則傷衛濕流關節風濕相搏兩邪亂經故骨節疼煩掣痛不得屈伸近之則痛劇也風勝則

衛氣不固汗出短氣惡風不欲去衣為風在表濕勝則水氣不行小便不利或身微腫為濕外搏也與甘草附

子湯散濕

固衛氣

甘草附子湯方

甘草

貳兩炙味甘平

附子

貳枚炮去皮破味辛熱

白朮

貳兩味甘溫

桂枝

肆兩去皮
味辛熱

桂枝甘草之辛甘散風邪而和衛
附子白朮之辛甘解濕氣而溫經

右肆味以水陸升煮取參升去滓溫服壹升日參服
初服得微汗則解能食汗止復煩者服五合恐壹升
多者宜服六七合為始

傷寒脉浮滑此表有熱裏有寒白虎湯主之

浮為在表
滑為在裏

表有熱外有熱也裏有寒有邪氣傳裏也以邪未入府
故止言寒如瓜蒂散證云胃上有寒者是矣與白虎湯
以解內
外之邪

白虎湯方

知母

陸兩味
苦寒

石膏

壹斤碎
味甘寒

甘草

貳兩味
甘平

粳米

陸合味
甘平

內經曰熱淫所勝佐以苦甘知母石膏之苦甘以散熱熱則傷氣甘以緩之甘草粳米之甘以益氣

右肆味以水壹斗煮米熟湯成去滓溫服壹升日參

服

傷寒脉結代心動悸炙甘草湯主之

結代之脉動而中止能自還者名曰

悸動知真氣內虛也與炙甘草湯益虛補血氣而復脉

炙甘草湯方

甘草

肆兩炙
味甘平

生薑

參兩切
味辛溫

桂枝

參兩去皮
味辛熱

人參

貳兩味
甘溫

生地黃

壹斤味
甘寒

阿膠

貳兩味
甘溫

麥門冬

半升去心
味甘平

麻子仁

半升味
甘平

大棗

參十枚擘
味甘溫

補可以去弱人參甘草大棗之甘以補不足之氣桂枝生薑之辛以益正氣聖濟經曰津耗散為枯五藏痿弱榮衛涸流濕劑所以潤之麻仁阿膠麥門冬地黃之甘潤經益血復脉通心也

右玖味以清酒柒升水捌升先煮捌味取參升去滓

內膠烺消盡溫服壹升日參服一名復脉湯

脉按之來緩而時一止復來者名曰結又脉來動而中
止更來小數中有還者反動名曰結陰也脉來動而中
止不能自還因而復動名曰代陰也得此脉者必難治
結代之脉一為邪氣留結一為真氣虛衰脉來動而中
止若能自還更來小數止是邪氣留結名曰結陰若動
而中止不能自還因其呼吸陰陽相引復動者是真氣
衰極名曰代陰為難治之脉經曰脉結者生代者死此
之謂也

釋音

俛

音免俯也

睞

如倫切目動也

匱

求位切匱也

痿

於危切痺病也

奕

音軟柔也

椎

音鍾

掣

掣

昌列切
挽也

涸

乎各切
竭也

烺

音羊
燂也

傷寒論注釋卷四

欽定四庫全書

傷寒論注釋卷五

金成無已注

辨陽明病脉證并治法第八

問曰病有太陽陽明有正陽陽明有少陽陽明何謂也

答曰太陽陽明者脾約是也

陽明胃也邪自太陽經傳之入府者謂之太陽陽明

經曰太陽病若吐若下若發汗後微煩小便數大便正陽

便因鞭者與小承氣湯即是太陽陽明脾約病也

陽明者胃家實是也邪自陽明經傳入府者謂之正陽

惡寒其身必重短氣腹滿而喘有潮熱者外欲解可攻裏也手足濇濇然汗出者此大便秘已鞭也大承氣湯主之即是正陽陽明胃家實也

少陽陽明者發汗利小便已胃中燥煩

實大便難是也

邪自少陽經傳之入府者謂之少陽陽明經曰傷寒脈弦細頭痛發熱者屬少

陽少陽不可發汗發汗則譫語此屬胃即是少陽陽明病也

陽明之為病胃家實也

邪傳入胃熱毒留結則胃家為實華佗曰熱毒入胃要須下去之不可留於胃中是知邪在陽明為胃家實也

問曰何緣得陽明病荅曰太陽病發汗若下若利小便

此亡津液胃中乾燥因轉屬陽明不更衣內實大便難

者此名陽明也

本太陽病不解因汗利小便亡津液胃中乾燥太陽之邪入府轉屬陽明古人

登廁必更衣不更衣者通為不大便不更衣則胃中物不得泄故為內實胃無津液加之畜熱大便則難為陽明裏問曰陽明病外證云何荅曰身熱汗自出不惡寒實也

反惡熱也

陽明病為邪入府也邪在表則身熱汗出而惡寒邪既入府則表證已罷故不惡寒但身

熱汗出而惡熱也

問曰病有得之一日不發熱而惡寒者何也

荅曰雖得之一日惡寒將自罷即自汗出而惡熱也

邪容

在陽明當發熱而不惡寒今得之一日猶不發熱而惡寒者即邪未全入府尚帶表邪若表邪全入則更無惡寒必自汗出問曰惡寒何故自罷荅曰陽明居中土也而惡熱也

萬物所歸無所復傳始雖惡寒二日自止此為陽明病

也胃為水穀之海主養四旁四旁有病皆能傳入於胃
入胃則更不復傳如太陽病傳之入胃則更不傳陽

明陽明病傳之入胃則更不傳少陽
少陽病傳之入胃則更不傳三陰
本太陽初得病時

發其汗汗先出不徹因轉屬陽明也
傷寒傳經者則一日太陽二日陽明

此太陽傳經故
傷寒發熱無汗嘔不能食而反汗出澀
日轉屬陽明

澀然者是轉屬陽明也
傷寒發熱無汗嘔不能食者太陽受病也若反汗出澀澀然者

太陽之邪轉屬陽明內
傷寒三日陽明脉大
傷寒三日邪傳陽明

之時經曰尺寸俱長者陽明受病當二三日
傷寒脉浮發陽明氣血俱多又邪併於經是以脉大

而緩手足自溫者是為繫在太陰太陰者身當發黃若

小便利者不能發黃至七八日大便鞭者為陽明病

也

浮為陽邪緩為脾脉傷寒脉浮緩太陰客熱邪在三陽則手足熱邪在三陰則手足寒今手足自溫是知

繫在太陰也太陰土也為邪蒸之則色見於外當發身黃小便自利者熱不內畜不能發黃至七八日大便鞭者即太陰之邪入府轉屬陽明也傷寒轉繫陽明者其人濇然微汗出

也

傷寒則無汗陽明法多汗此以傷寒邪轉繫陽明故濇然微汗出陽明中風口苦咽

乾腹滿微喘發熱惡寒脉浮而緊若下之則腹滿小便

難也

脉浮在表緊為裏實陽明中風口苦咽乾腹滿微喘者熱傳於裏也發熱惡寒者表仍未解也若下

之裏邪雖去表邪復入於裏又陽明病若能食名中風

亡津液故使腹滿而小便難

不能食名中寒

陽明病以飲食別受風寒者以胃為水穀之海風為陽邪陽邪殺穀故中風者

能食寒為陰邪陰邪不能食殺穀故傷寒者不能食陽明病若中寒不能食小便不

利手足濇然汗出此欲作固瘕必大便初鞭後溏所以

然者以胃中冷水穀不別故也

陽明中寒不能食者寒不殺穀也小便不利者

津液不化也陽明病法多汗則周身汗出此手足濇然汗出而身無汗者陽明中寒也固瘕者寒氣結積也胃

中寒甚欲留結而為固瘕則津液不得通行而大便必

不別雖大便初鞭後必溏也陽明病欲食小便反不利大便自調其

人骨節疼翕翕如有熱狀奄然發汗濇然汗出而解者

此水不勝穀氣與汗共併脉緊則愈

陽病客熱初傳入胃胃熱則消穀而

欲食陽明病熱為實者則小便當數大便當鞭今小便反不利大便自調者熱氣散漫不為實也欲食則胃中穀多內經曰食入於陰長氣於陽穀多則陽氣勝熱消津液則水少經曰水入於經其血乃成水少則陰血弱金匱要畧曰陰氣不通即骨疼其人骨節疼者陰氣不足也熱甚於表者翕翕發熱熱甚於裏者蒸蒸發熱此熱氣散漫不專著於表裏故翕翕如有熱狀奄忽也忽然發狂者陰不勝陽也內經曰陰不勝其陽者則脉流薄疾并乃狂陽明蘊熱為實者須下之愈熱氣散漫不為實者必待汗出而愈故云濺然汗出而解也水穀之等者陰陽氣平也水不勝穀氣是陰不勝陽也汗出則陽氣衰脉緊則陰氣生陰陽氣平兩無偏勝則愈故云與汗共併陽明病欲解時從申至戌上

於申酉戌向王以胃為陽土王

時是為陽明病不能食攻其熱必噦所以然者胃中虛欲解

冷故也以其人本虛故攻其熱必噦

不能食胃中本寒攻其熱復虛其胃

虛寒相搏故令噦也經曰關脈弱胃氣虛有熱不可大攻之熱去則寒起此之謂也陽明病脈遲

食難用飽飽則微煩頭眩必小便難此欲作穀疸雖下

之腹滿如故所以然者脈遲故也

陽明病脈遲則邪方入裏熱未為實也食

入於陰長氣於陽胃中有熱食難用飽飽則微煩而頭眩者穀氣與熱氣相搏也兩熱相合消搏津液必小便難利者不能發黃言熱得泄也小便不利則熱不得泄身必發黃疸黃也以其發於穀氣之熱故名穀疸熱實者下之則愈脈遲為熱氣未實雖下之腹滿亦不減也經曰脈遲尚未可攻陽明病法多汗

反無汗其身如蟲行皮中狀者以此久虛故也

胃為津液之本

氣虛津液少病則反無汗胃候身之肌肉其身如蟲行皮中者知胃氣久虛也

陽明病反無汗

而小便利二三日嘔而欬手足厥者必苦頭痛若不欬

不嘔手足不厥者頭不痛

關

陽明傷寒而

寒氣內攻也至二三日

關

者寒邪發於外也

必苦頭痛若不欬不嘔手足不厥者是寒邪但攻裏而亦不發其頭

陽明病但頭眩不惡寒故能食而欬其人

必咽痛若不欬者咽不痛

陽明病身不重痛但頭眩而不惡寒者陽明中風而風氣

內攻也經曰陽明病若能食名中風風邪攻胃胃氣上逆則咳

關胃之系欬甚則咽傷故必咽痛若胃氣

不逆則不效其咽亦不痛也 陽明病無汗小便不利心中懊懣者身

必發黃

陽明病無汗而小便不利者熱蘊於內而不得越心中懊懣者熱氣鬱蒸欲發於外而為黃也

陽明病被火額上微汗出小便不利者必發黃

陽明病則為內

熱被火則火熱相合而甚若遍身汗出而小便利者熱得外越不能發黃今額上微汗出而小便不利則熱不得越鬱蒸於胃必發黃也 陽明病脉浮而緊者必潮熱發作有時但

浮者必盜汗出

浮為在經緊者裏實脉浮而緊者表熱裏實也必潮熱發作有時若脉但浮而

不緊者止是表熱也必盜汗出盜汗者睡而汗出也陽明病裏熱者自汗表熱者盜汗

陽明病口

燥但欲漱水不欲嚥者此必衄

陽明之脉起於鼻絡於口陽明裏熱則渴欲飲

水此口燥但欲漱水不欲嚥者是熱在經而裏無陽明
熱也陽明氣血俱多經中熱甚迫血妄行必作衄也

病本自汗出醫更重發汗病已差尚微煩不了了者此
大便必鞭故也以亡津液胃中乾燥故令大便鞭當問
其小便日幾行若本小便日三四行今日再行故知大
便不久出今為小便數少以津液當還入胃中故知不

久必大便也

先亡津液使大便鞭小便數少津液分別大便必自下也

傷寒嘔多雖

有陽明證不可攻之

嘔者熱在上焦未全入府故不可下

陽明病心下鞭

滿者不可攻之攻之利遂不止者死利止者愈

陽明病腹滿者

為邪氣入府可下之心下鞭滿則邪氣尚淺未全入府不可便下之得利止者為邪氣去正氣安正氣安則愈若因下利不止者陽明病面合赤色不可攻之攻之必為正氣脫而死

發熱色黃小便不利也

合通也陽明病面色通赤者熱在經也不可下之下之虛其胃

氣耗其津液經中之熱乘虛入胃必發熱色黃小便不利也

陽明病不吐不下心煩

者可與調胃承氣湯

吐後心煩謂之內煩下後心煩謂之虛煩今陽明病不吐不下心煩

即是胃有鬱熱也與調胃承氣湯以下鬱熱

陽明病脉遲雖汗出不惡寒者

其身必重短氣腹滿而喘有潮熱者此外欲解可攻裏也手足濇然而汗出者此大便已鞭也大承氣湯主之

若汗多微發熱惡寒者外未解也其熱不潮未可與承

氣湯若腹大滿不通者可與小承氣湯微和胃氣勿令

大泄下

陽明病脈遲若汗出多微發熱惡寒者表未解也若脈遲雖汗出而不惡寒者表證罷也身重

短氣腹滿而喘有潮熱者熱入府也四肢諸陽之本津液足為熱然之則周身汗出津液不足為熱然之其手足濇然而汗出知大便已鞭也與大承氣湯以下胃熱經曰潮熱者實也其熱不潮是熱未成實故不可便與大承氣湯雖有腹大滿不通之急亦不可與大承氣湯與小承氣湯微和胃氣

大承氣湯方

大黃

四兩苦寒酒洗

厚朴

半斤苦溫灸去皮

枳實

五枚苦寒灸

芒硝

三合
鹹寒

內經曰燥淫所勝以苦下之大黃枳實之苦以潤燥除熱又曰燥淫於內治以苦溫厚朴之苦下結燥又曰熱淫所勝治以鹹寒芒硝之鹹以攻蘊熱

右四味以水一斗先煮二物取五升去滓內大黃煮取二升去滓內芒硝更上火微一兩沸分溫再服得下餘勿服

小承氣湯方

大黃

四兩

厚朴

二兩炙
去皮

枳實

三枚大
者炙

大熱結實者與大承氣湯小熱微結者與小承氣湯以熱不大甚故於大承氣湯去芒硝又以結不至堅故不減厚

朴枳實也

右三味以水四升煮取一升二合去滓分溫二服初服湯當更衣不爾者盡飲之若更衣者勿服之

陽明病潮熱大便微鞭者可與大承氣湯不鞭者不與之若不大便六七日恐有燥屎欲知之法少與小承氣湯湯入腹中轉失氣者此有燥屎乃可攻之若不轉失氣者此但初頭鞭後必澹不可攻之攻之必脹滿不能

食也欲飲水者與水則噦其後發熱者必大便復鞅而

少也以小承氣湯和之不轉失氣者慎不可攻也

潮熱者實

得大便微鞅者便可攻之若不鞅者則熱未成實雖有潮熱亦未可攻若不大便六七日恐有燥屎當先與小承氣湯漬之如有燥屎小承氣湯藥勢緩不能宣泄必轉氣下失若不轉失氣是胃中無燥屎但腸間少鞅爾止初頭鞅後必澹攻之則虛其胃氣致腹脹滿不能食也胃中乾燥則欲飲水水入胃中虛寒相搏氣逆則噦其後却發熱者則熱氣乘虛還復聚於胃中胃燥得熱必大便復鞅而少與小承氣湯微利與和之故以重云不轉失氣不可攻

夫實則讖語虛則鄭聲鄭聲重語也

內經

內慎之至也

曰邪氣盛則實精氣奪則虛讖語由邪氣盛而神識昏也鄭聲由精氣奪而聲不全也讖語者言語不次也鄭

聲者鄭音不正也論語云惡鄭聲之亂雅樂又曰放鄭聲
遠佞人鄭聲淫佞人殆言鄭聲不正也今新差氣虛人
聲轉者是所謂重語者

直視讖語喘滿者死下利者亦

也

若聲重亦聲轉之

直視讖語喘滿者死下利者亦

死

直視讖語邪勝也喘滿為氣上脫下利為氣下脫是皆主死

發汗多若重發汗者

亡

亡陽胃燥讖語者脉短津液已

絕不可復治脉自和為正氣未衰而猶可生也

傷寒若吐若下後不解不大便

五六日上至十餘日日晡所發潮熱不惡寒獨語如見

鬼狀若劇者則不識人循衣摸牀惕而不安微喘直視
脉弦者生濇者死微者但發熱讖語者大承氣湯主之

若一服利止後服

若吐若下皆傷胃氣不大便五六日上至十餘日者亡津液胃氣虛邪熱

內結也陽明王於申酉戌日晡所發潮熱者陽明熱甚也不惡寒者表證罷也獨語如見鬼狀者陽明內實也以為熱氣有餘若劇者是熱氣甚大也熱大甚於內昏冒正氣使不識人至於循衣摸牀惕而不安微喘直視傷寒陽勝而陰絕者死陰勝而陽絕者死熱劇者為陽勝脉弦為陰有餘澀為陰不足陽熱雖劇脉弦知陰未絕而猶可生脉澀則陰絕故不可治其邪熱微而未至於劇者但發熱譫語可與大承氣湯以下胃中熱經曰凡服下藥中病即止不必盡劑此陽明病其人多以熱未劇故云若一服利則止後服

汗以津液外出胃中燥大便必鞭鞭則譫語小承湯主

之若一服譫語止更莫復服

亡津液胃燥大便鞭而譫語雖無大熱內結亦須與

小承氣湯和其胃氣得一服譏語止則胃燥
以潤更莫復與承氣湯以本無實熱故也 陽明病譏

語發潮熱脉滑而疾者小承氣湯主之因與承氣湯一

升腹中轉失氣者更服一升若不轉失氣勿更與之明
日不大便脉反微澀者裏虛也為難治不可更與承氣

湯也

陽明病譏語發潮熱若脉沈實者內實者也則可
下若脉滑疾為裏熱未實則不可下先與小承氣

湯和之湯入腹中轉失氣者中有燥屎可更與小承氣
湯一升以除之若不轉失氣者是無燥屎不可更與承
氣湯至明日邪氣傳時脉得沈實緊牢之類是裏實也
反得微澀者裏氣大虛也若大便利後脉微澀者止為
裏虛而猶可此不曾大便秘反微澀 陽明病譏語有潮
是正氣內衰為邪所勝故云難治

熱反不能食者胃中必有燥屎五六枚也若能食者但

鞞爾宜大氣湯下之

鞞語潮熱為胃熱當消穀引食反不能食者胃中有燥屎而胃中實

也若能食者胃中虛熱雖鞞不得為有燥屎雜病虛為不欲食實為欲食傷寒則胃實熱甚者不能食胃中虛熱甚者能食與雜病為異也與大承氣湯以下燥屎遂結熱 陽明病下血鞞語者此

為熱入血室但頭汗出者刺期門隨其實而瀉之漑然

汗出則愈

陽明病熱入血室迫血下行使下血鞞語陽明病法多汗以奪血者無汗故但頭汗出也

刺期門以散血室之熱隨其實而瀉之以除陽明之汗邪熱散邪除熱榮衛得通津液得復漑然汗出而解

出鞞語者以有燥屎在胃中此為風也須下之過經乃

可下之下之若早語言必亂以表虛裏實故也下之則

愈宜大承氣湯

胃中有燥屎則讞語以汗出為表未罷故云風也燥屎在胃則當下以表未和

則未可下須過太陽經無表證乃可下之若下之早燥屎雖除則表邪乘虛復陷於裏為表虛裏實胃虛熱甚語言必亂與大承氣湯却下胃中邪熱則止傷寒四五日脉沈而喘滿沈為

在裏而反發其汗津液越出大便為難表虛裏實久則

讞語

邪氣入內之時得脉沈而喘滿裏證具也則當下之反發其汗令津液越出胃中乾燥大便必難久

則屎燥胃實必發讞語

三陽合病腹滿身重難以轉側口不仁而

面垢讞語遺屎發汗則讞語下之則額上生汗手足逆

冷若自汗出者白虎湯主之

腹滿身重難以及側口不仁讖語者陽明也針經曰

少陽病甚則面微塵此面垢者少陽也遺尿者太陽也三者以陽明證多故出陽明篇中三陽合病為表裏有邪若發汗攻表則燥熱益甚必愈讖語若下之攻裏表熱乘虛內陷必額上汗出手足逆冷其自汗出者三陽經熱甚也內經曰熱則腠理開榮衛通汗大泄與白虎湯以解內外之熱二陽併病太陽證

罷但發潮熱手足漿漿汗出大便難而讖語者下之則

愈宜大承氣湯

本太陽病併於陽明名曰併病太陽證罷是無表證但發潮熱是熱併陽明一

身汗出為熱越今手足漿漿汗出是熱聚於胃也必大便難而讖語經曰手足漿漿然而汗出者必大便已鞭也

與大承氣湯以下胃中實熱

陽明病脉浮而緊咽燥口苦腹滿而喘

發熱汗出不惡寒反惡熱身重若發汗則躁心憤憤反
讒語若加燒鍼必怵惕煩躁不得眠若下之則胃中空

虛客氣動隔心中懊懣舌上胎者梔子豉湯主之

脉浮發熱

為邪在表咽燥口渴為熱在經脉緊腹滿而喘汗出不
惡寒反惡熱身重為邪在裏此表裏俱有邪猶常和解
之若發汗攻表表熱雖除而內熱益甚故躁而憤憤反
讒語憤憤者心亂經曰榮氣微者加燒針則血不行更
發熱而躁煩此表裏有熱若加燒針則損動陰氣故怵
惕煩躁不得眠也若下之裏熱雖去則胃中空虛表中
客邪之氣乘虛陷於上焦煩動於隔使心中懊懣而不
了了也舌上胎黃者熱氣客於胃中舌上胎白知熱氣
客於胸中與梔子豉湯以吐胸中之邪若渴欲飲水口乾舌燥者白虎加

人參湯主之

若下後邪熱客於上焦者為虛煩此下後邪熱不客於上焦而客於中焦者是為乾

燥煩渴與白虎加人參湯散熱潤燥

若脉浮發熱渴欲飲水小便不利者

猪苓湯主之

此下後客熱客於下焦者也邪氣自表入裏客於下焦三焦俱帶熱也脉浮發熱者

上焦熱也渴欲飲水者中焦熱也小便不利者邪客下焦津液不得下通也與猪苓湯利小便以瀉下焦之熱也

猪苓湯方

猪苓

去皮 甘平

茯苓

甘平

阿膠

甘平

滑石

碎甘寒

澤瀉

甘鹹寒 各一兩

甘甚而反淡淡味滲泄為陽猪苓茯苓之甘以行小便
便鹹味湧泄為陰澤瀉之鹹以泄伏水滑利竅阿膠
滑石之滑以利水道

右五味以水四升先煮四味取二升去滓內下阿膠
烱消溫服七合日三服

陽明病汗出多而渴者不可與猪苓湯以汗多胃中燥

猪苓湯復利其小便故也

針經曰水穀入於口輸於腸胃其液別為五天寒衣薄則

為溺天熱衣厚則為汗是汗溺一液也汗多為津脉浮液外泄胃中乾燥故不可與猪苓湯利小便也

而遲表熱裏寒下利清穀者四逆湯主之

浮為表熱遲為裏寒下利

清穀者裏寒甚也與
四逆湯溫裏散寒

若胃中虛冷不能食者飲水則噦

噦者咳逆是也千金曰咳逆者噦逆之名脉浮發熱口
胃中虛冷得水則水寒相搏胃氣逆而噦

乾鼻燥能食者則衄

脉浮發熱口乾鼻燥者熱在經也
能食者裏和也熱甚於經迫血為

衄胃中虛冷陰勝也水入於經其血乃成飲水者助陰
氣逆為噦發熱口乾陽勝也食入於陰長氣於陽能食
者助陽血妄為衄三陽明病下之其外有熱手足溫不
者偏陰偏陽之疾也

結胸心中懊憹饑不能食但頭汗出者梔子豉湯主之

表未罷而下者應邪熱內陷也熱內陷者則外熱而無
手足寒今外有熱而手足溫者熱雖內陷然而不深故
不作結胸也心中懊憹飢不能食者熱客胃中為虛煩
也熱自胸中熏蒸於上故但頭汗出而身無汗與梔子

豉湯以吐胸中之虛煩

陽明病發潮熱大便溏小便自可胃脇滿

不去者小柴胡湯主之

陽明病潮熱為胃實大便鞅而小便數今大便溏小便自可則

胃熱未實而水穀不別也大便秘澇者應氣降而胃脇滿去今反不去者邪氣猶在半表半裏之間與小柴胡湯以去表裏之邪陽明病脇下鞅滿不大便而嘔舌上白胎者可

與小柴胡湯上焦得通津液得下胃氣因和身濺然而汗

出解也

陽明病腹滿不大便舌上胎黃者為邪熱入府可下若脇下鞅滿雖不大便而嘔舌上白胎者

為邪未入府在表裏之間與小柴胡湯以和解之上焦得通則嘔止津液得下則胃氣因和汗出而解陽

明中風脉弦浮大而短氣腹都滿脇下及心痛久按之

氣不通鼻乾不得汗嗜卧一身及面目悉黃小便難有

潮熱時時噦耳前後腫刺之小差外不解病過十日脉

續浮者與小柴胡湯脉但浮無餘證者與麻黃湯若不

尿腹滿加噦者不治

浮大為陽風在表也弦則為陰風在裏也短氣腹滿脇下及心痛風

熱壅於腹中而不通也若寒客於內而痛者按之則寒氣散而痛止此以風熱內壅故雖久按而氣亦不通陽明病鼻乾不得卧自汗出者邪在表也此鼻乾不得汗而嗜卧者風熱內攻不干表也一身面目悉黃小便難有潮熱時時噦者風熱攻於胃也陽明之脉出大迎循頰車上耳前過客行人熱勝則腫此風熱在經故耳前後腫刺之經氣通腫則小差如此者外證罷則可攻若外證不解雖過十日脉續浮者邪氣猶在半表半裏與

小柴胡湯以和解之若其脉但浮而不弦大無諸裏證者
是邪但在表也可與麻黃湯以發其汗若不尿腹滿加噦者
關格之疾也故云不治難經曰關格者不得盡其命而死
陽明病自汗出若發

汗小便自利者此為津液內竭雖鞭不可攻之當須自
欲大便宜蜜煎導而通之若土瓜根及大猪膽汁皆

可為導

津液內竭腸胃乾燥大便因鞭此非結熱故不可攻宜以藥外治而導引之

蜜煎導方

蜜七合一味內銅器中微火煎之稍凝似飴狀攪之
勿令焦著欲可丸併手捻作挺令頭銳大如指長二

寸許當熱時急作冷則鞭以內穀道中以手急抱欲大便時乃去之

猪膽汁方

大猪膽一枚瀉汁和醋少許以灌穀道中如一食頃當大便出

陽明病脉遲汗出多微惡寒者表未解也可發汗宜桂

枝湯

陽明病脉遲汗出多當責邪在裏以微惡寒知表未解與桂枝湯和表

陽明病脉浮

無汗而喘者發汗則愈宜麻黃湯

陽明傷寒表實脉浮無汗而喘也與麻黃

湯以發汗陽明病發熱汗出此為熱越不能發黃也但頭汗

出身無汗劑頸而還小便不利渴引水漿者此為瘧熱

在裏身必發黃茵陳蒿湯主之

但頭汗出身無汗劑頸而還者熱不得越也小

便不利渴引水漿者熱甚於胃津液內竭也胃為土而色黃胃為熱蒸則色奪於外必發黃也與茵陳湯逐熱退黃

茵陳蒿湯方

茵陳蒿

六兩苦微寒

梔子

十四枚擘苦寒

大黃

二兩去皮苦寒

小熱之氣涼以和之大熱之氣寒以取之茵陳梔子之苦寒以逐胃燥宜下必以苦宜補必以酸大黃之

苦寒以
下瘀熱

右三味以水一斗二升先煮茵陳減六升內二味煮
取三升去滓分溫三服小便當利尿如皂角汁狀色
正赤一宿腹減黃從小便去也

陽明證其人喜忘者必有畜血所以然者本有久瘀血
故令喜忘屎雖鞭大便反易其色必黑宜抵當湯下之
內經曰血并於下亂而喜忘此下本有久瘀血所以喜
忘也津液少大便鞭以畜血在內屎雖鞭大便反易其
色黑也與抵當湯以下瘀血陽明病下之心中懊懣而煩胃中有燥

屎者可攻腹微滿初頭鞭後必澹不可攻之若有燥屎

者宜大承氣湯

下後心中懊懣而煩者虛煩也當與梔子豉湯若胃中有燥屎者非虛煩也可

與大承氣湯下之其腹微滿初鞭後澹是無燥屎此熱不在胃而在上也故不可攻病人不大便

五六日繞臍痛煩躁發作有時者此有燥屎故使不大

便也

不大便六七日者則大便必結為燥屎也胃中燥其氣不得下通故繞臍痛煩躁發作有時也病

人煩熱汗出則解又如瘡狀日晡所發熱者屬陽明也

脈實者宜下之脈浮虛者宜發汗下之與大承氣湯發

汗宜桂枝湯

雖得陽明證未可便為裏實審看脈候以別內外其脈實者熱已入府為實可與大

承氣湯下之其脈浮虛者是熱未入府猶在表也可與桂枝湯發汗則愈

大下後六七日不

大便煩不解腹滿痛者此有燥屎也所以然者本有宿

食故也宜大承氣湯

大下之後則胃弱不能消穀至六七日不大便則宿食已結不消故

使煩熱不解而腹滿痛是知有燥屎也與大承氣湯以除之

病人小便不利大便乍難

乍易時有微熱喘冒不能卧者有燥屎也宜大承氣湯

小便利則大便硬此以有燥屎故小便不利而大便乍難乍易胃熱者發熱喘冒無時及嗜卧也此燥屎在胃故時有微熱喘冒不得卧也與大承氣湯以下燥屎食穀欲嘔者屬陽明也吳茱

萸湯主之得湯反劇者屬上焦也

上焦主內胃為之布食穀欲嘔者胃不受

也與吳茱萸湯以溫胃氣得湯反劇者上焦不內也以治上焦法治之

吳茱萸湯方

吳茱萸

一升洗
辛熱

人參

三兩
甘溫

生薑

六兩切
辛溫

大棗

十二枚
擘甘溫

內經曰寒淫於內治以甘熱佐以苦辛吳茱萸
莢生薑之辛以溫胃人參大棗之甘以緩脾

右四味以水七升煮取二升去滓溫服七合日三服

太陽病寸緩關浮尺弱其人發熱汗出復惡寒不嘔但
心下痞者此以醫下之也如其不下者病人不惡寒而

渴者此轉屬陽明也小便數者大便必鞭不更衣十日無所苦也渴欲飲水少少與之但以法救之渴者宜五

苓散

太陽病脉陽浮陰弱為邪在表今寸緩關浮尺弱邪氣漸傳裏則發熱汗出復惡寒者表未解也傳

經之邪入裏裏不和者必嘔此不嘔但心下痞者醫下之早邪氣留於心下也如其不下者必漸不惡寒而渴太陽之邪轉屬陽明也若吐若下若發汗後小便數大便鞭者當與小承氣湯和之此不因吐下發汗後小便數大便鞭若是無滿實雖不更衣十日無所苦也候津液還入胃中小便數少大便必自出也渴欲飲水者少少與之以潤胃氣但審邪氣所在以脉陽微而汗出少者法救之如渴不止與五苓散是也

為自和也汗出多者為太過

脉陽微者邪氣少汗出少者為適當故自和汗出多

者反損正氣是陽脉實因發其汗出多者亦為太過太汗出太過也

過為陽絕於裏亡津液大便因鞭也陽脉實者表熱甚也因發汗熱乘虛

蒸津液外泄致汗出太過汗出多者亡其陽陽絕於裏腸胃乾燥大便因鞭也脉浮而孔浮為

陽孔為陰浮孔相搏胃氣生熱其陽則絕浮孔相搏陰陽不諧胃氣

獨治鬱而生熱消熯津液其陽為絕跌陽脉浮而澀浮則胃氣強澀則小

便數浮澀相搏大便則難其脾為約麻仁丸主之跌陽者脾

胃之脉診浮為陽知胃氣強澀為陰知脾為約約者儉約之約又約束之約內經曰飲入於胃遊溢精氣上輸於脾脾氣散精上歸於肺通調水道下輸於膀胱水精四布五經並行是脾主為胃行其津液者也今胃強脾

弱約束津液不得四布但輸膀胱致
小便數大便難與脾約丸通腸潤燥

麻仁丸方

麻子仁

二升
甘平

芍藥

半斤
酸平

枳實

半斤
苦寒

大黃

一斤
去皮苦寒

厚朴

一尺
灸去皮苦溫

杏仁

一升
去皮尖熬別作脂甘溫

內經曰脾欲緩急食甘以緩之麻子杏仁之甘緩脾而潤燥津液不足以酸收之芍藥之酸以斂津液腸燥胃強以苦泄之枳實厚朴大黃之苦下燥結而泄胃強也

右六味為末煉蜜為丸桐子大飲服十九日三服漸

加以知為度

太陽病三日發汗不解蒸蒸發熱者屬胃也調胃承氣

湯主之

蒸蒸者如熱熏蒸蒸言甚熱也太陽病三日發汗不解則表邪已罷蒸蒸發熱胃熱為甚與調胃

承氣湯

下胃熱傷寒吐後腹脹滿者與調胃承氣湯

內經曰諸脹腹大皆

屬於熱熱在上焦則吐吐後不解復腹脹滿者邪熱入胃也與調胃承氣湯下其胃熱

太陽病若

吐若下若發汗微煩小便數大便因鞭者與小承氣湯

和之愈

吐下發汗皆損津液表邪乘虛傳裏大煩者邪在表也微煩者邪入裏也小便數大便因鞭者

其脾為約也小承氣湯和之愈

得病二三日脉弱無太陽柴胡證煩躁

心下鞭至四五日雖能食以小承氣湯少少與微和之

令小安至六日與承氣湯一升若不大便六七日小便

少者雖不能食但初頭鞭後必澹未定成鞭攻之必澹

須小便利屎定鞭乃可攻之宜大承氣湯

針經曰脉軟者病將下弱

為陰脉當責邪在裏得病二三日脉弱是日數雖淺而邪氣已入裏也無太陽證為表證已罷無柴胡證為無半表半裏之證煩躁心下鞭者邪氣內甚也胃實熱甚則不能食胃虛熱甚至四五日雖能食亦當與小承氣湯微和之至六日則熱甚與大承氣湯一升若不大便六七日小便多者為津液內竭大便必鞭則可下之小便少者則胃中水穀不別必初鞭後澹雖不能食為胃實以小便少則未定成鞭亦不可攻須小便利屎定鞭乃可傷寒六七日目中不了了睛不和無表裏證大便

難身微熱者此為實也急下之宜大承氣湯

內經曰諸脉者皆屬

於目傷寒六七日邪氣入裏之時目中不了了睛不和者邪熱內甚上熏於目也無表裏證大便難者裏實也身大熱者表熱也身微熱者裏熱也針經曰熱病目不明熱不已者死此目中不了了睛不和則證近危惡也須急與大承氣湯下之

陽明病發熱汗多者急下之宜大承氣湯

邪熱入府外發熱汗多者熱迫津液將竭急與大承氣湯以下其府熱

發汗不解腹滿痛

者急下之宜大承氣湯

發汗不解邪熱傳入府而成腹滿痛者傳之迅也是須急下之

腹滿不減減不足言當下之宜大承氣湯

腹滿不減邪氣實也經曰

大滿大實自可除下之大承氣湯下其滿實若腹滿時減非內實也則不可下金匱要畧曰腹滿時減復如故

此為寒當與溫藥是減不足言也

陽明少陽合病必下利其脉不負者

順也負者失也互相尅賊名為負也脉滑而數者有宿

食也當下之宜大承氣湯

陽明土少陽木二經合病氣不相和則必下利少陽脉不

勝陽明不負是不相尅為順也若少陽脉勝陽明脉負者是鬼賊相尅為正氣失也脉經曰脉滑者為病食也又曰滑數則胃氣實下利者脉當微厥今脉滑數知胃有宿食與大承氣湯以下除之病人無表

裏證發熱七八日雖脉浮數者可下之假令已下脉數

不解合熱則消穀喜飢至六七日不大便者有瘀血宜

抵當湯

七八日邪入府之時病人無表裏證但發熱雖脉浮數亦可與大承氣湯下之浮為熱客於氣

數為熱容於血下之邪熱去而浮數之脉俱當解若下後數脉去而脉但浮則是榮血間熱併於衛氣間也當為邪氣獨留心中則飢邪熱不殺穀潮熱發渴之證此下之後浮脉去而數不解則是衛氣間熱合於榮血間也熱氣合併迫血下行胃虛協熱消穀喜飢血至下焦若大便利者下血乃愈若六七日不大便則血不得行畜積於下為瘀血與若脉數不解而下不止必協熱而抵當湯以下去之

便膿血也

下後脉數不解而不大便者是熱不得泄畜血於下為瘀血也若下後脉數不解而下利

不止者為熱得下泄迫血下行必便膿血傷寒發汗已身目為黃所以然者

以寒濕在裏不解故也以為不可下也於寒濕中求之

金匱要畧曰黃家所起從濕得之汗出熱去則不能發黃發汗已身目為黃者風氣去濕氣在也脾惡濕濕氣

內著脾色外奪者身目為黃若瘀血在裏發黃者則傷
可下此以寒濕在裏故不可下當從寒濕法治之 傷

寒七八日身黃如橘子色小便不利腹微滿者茵陳蒿

湯主之

當熱甚之時身黃如橘子色是熱毒發泄於外
內經曰膀胱者津液藏焉氣化則能出小便不

利小腹滿者熱氣甚於外而津液不得 傷寒身黃發熱

者梔子蘘皮湯主之 傷寒身黃胃有瘀熱當煩下去之
此以發熱為熱未實與梔子蘘皮

湯解
散之

梔子蘘皮湯方

肥梔子

一十五箇
擘苦寒

甘草

一兩炙
甘平

黃蘘

二兩

右三味以水四升煮取一升半去滓分温再服

傷寒瘀熱在裏身必發黃麻黃連軹赤小豆湯主之熱濕

相交民多病痺痺黃也傷寒為寒濕在表發黃為瘀熱在裏與麻黃連軹赤小豆湯除熱散濕

麻黃連軹赤小豆湯方

麻黃

二兩甘温去節

赤小豆

一升甘平

連軹

二兩連翹根也苦寒

杏仁

四十箇甘温去皮尖

大棗

十二枚擘甘温

生梓白皮

一斤苦寒

生薑

二兩辛温切

甘草

二兩炙甘平

內經曰濕上甚而熱治以苦温佐以甘平以汗為故止此之謂也又煎用潦水者亦取其水味薄則不助

濕氣

右八味以潦水一斗先煮麻黃再沸去上沫內諸藥
煮取三升分溫三服半日服盡

辨少陽病脉證并治法第九

少陽之為病口苦咽乾目眩也

足少陽膽經也內經曰有病口苦者名曰膽痺

甲乙經曰膽者中精之府五藏取決於膽咽為之使少陽之脉起於目銳眥少陽受邪故口苦咽乾目眩

少陽中風兩耳無所聞目赤胷中滿而煩者不可吐下

吐下則悸而驚

少陽之脉起於目眥走於耳中其支者下胸中貫膈風傷氣風則為熱少陽中

風氣壅而熱故耳聾目赤胃滿而煩邪在少陽為半表半裏以吐除煩吐則傷氣氣虛者悸以下除滿下則亡血血虛傷寒脉弦細頭痛發熱者屬少陽少陽不可發者驚

汗發汗則讖語此屬胃胃和則愈胃不和則煩而悸

經曰

三部俱弦者少陽受病脉細者邪漸傳裏雖頭痛發熱為表未解以邪客少陽為半在表半在裏則不可發汗發汗亡津液胃中乾燥少陽之邪因傳入胃必發讖語當與調胃承氣湯下之胃和則愈不下則胃為少陽木邪干之故

本太陽病不解轉入少陽者脇下鞅滿乾嘔

不能食往來寒熱尚未吐下脉沈緊者與小柴胡湯

太陽

轉入少陽是表邪入於裏脇下鞅滿不能食往來寒熱者邪在半表半裏之間若已經吐下脉沈緊者邪氣入

府為裏實尚未經吐下而脉沈緊為傳裏雖深未全入府外猶未解也與小柴胡湯以和解之若已吐

下發汗溫鍼譏語柴胡湯證罷此為壞病知犯何逆以

法治之

少陽之邪在表裏之間若妄吐下發汗溫鍼損耗津液胃中乾燥木邪干胃必發譏語若柴胡

證不罷者則不為逆柴胡證罷者壞病也詳其因何治之逆以法救之

三陽合病脉浮大

上關上但欲眠睡目合則汗

關脉以候少陽之氣太陽之脉浮陽明之脉大脉浮

大上關上知三陽合病膽熱則睡少陰病但欲眠睡目合則無汗以陰不得有汗但欲眠睡目合則汗知三陽

合病膽有熱也

傷寒六七日無大熱其人躁煩者此為陽去入

陰故也

表為陽裏為陰邪在表則外有熱六七日邪氣入裏之時外無大熱內有煩躁者表邪傳裏也

故曰陽傷寒三日三陽為盡三陰當受邪其人反能食去入陰

而不嘔此為三陰不受邪也傷寒四日表邪傳裏裏不和則不能食而嘔今反能

食而不嘔是邪不傷寒三日少陽脉小者欲已也內經曰大傳陰但在陽也


則邪至小則平傷寒三日邪傳少陽脉當弦緊今脉小者邪氣微而欲已也少陽病欲解時

從寅至辰上內經曰陽中之少陽通於春氣寅卯辰少陽木王之時

釋音

廁初史切痲音假腹瘧音旦憤古對切怵勅律切惕音

敬也又痲丁賀切憂懼也瘧勞病也



傷寒論注釋卷五